

遺

愁

集

道愁集卷之七

成都余 命生生

鑒定

松陵顧有孝茂倫

古吳張貴序晉侯纂輯

計 默希深 吳允嘉志上

黃泰來交三 顧 彩天石

友人

柯 煥南陔 錢守中書紳

訂正

顧世昌咸寧 王 資傳巖

○○○一集默解

誰能排難。孰爲解紛。斡旋有法。區別有神。化有爲。無處置。推

精○疑○難○犁○肘○任○我○調○停○又○消○於○未○萌○弭○於○未○然○挽○回○造○化○調○
劑○人○天○不○見○其○功○莫○識○其○權○泯○於○無○跡○斯○爲○大○賢○集○默○解○
明○天○順○時○法○司○奏○石○亨○等○雖○誅○其○黨○冒○奪○門○陞○官○者○數○千○人○俱○
命○查○究○上○問○李○賢○曰○此○事○不○行○則○冒○濫○無○稽○行○則○驚○動○人○心○賢○
曰○朝○廷○許○令○自○首○免○罪○則○其○事○始○妥○上○然○之○於○是○冒○功○者○盡○出○
首○改○正○

宋英宗初卽位慈壽皇太后一日送劄與韓魏公琦諭及上與
高后不奉事有爲嬪嬙作主之語仍勅中官俟報公但曰領聖
旨一日入劄子以山陵有事取覆乞晚臨後上殿獨對謂官家
不得驚動有一文字須進呈說破只莫泄上今日皆慈壽力恩

不可忘。然既非天屬之親，但加意承奉，便自無事。上曰：「謹奉教。」又云：「此文字臣不敢留，幸宮中密燒之。若泄，則讒間乘之矣。」上唯唯。自後兩宮相歡，人莫跡其實。

明薛文清公瑄因忤中官王振，傳詔詣市斬之。振有老僕，乃於廚下大哭，振問何故。對曰：「聞今日將刑薛大夫也。」振聞而怒，稍解會王偉上疏申救，遂得免。

辛京杲以私憾杖殺部曲，有司奏罪當死，上從之。李忠臣曰：「京杲應死久矣。」上問何故。對曰：「京杲諸父兄弟俱爲國家戰死，獨京杲至今尚存，上惻然乃左遷之。」

李衡爲丹陽守，數以事侵瑯琊王。其妻習氏每諫不聽。及卽位，

衛憂懼不知所出。妻曰：「無恐。王素好善，慕名方，欲自異於天下，必不以私嫌殺人。君宜自囚，表列前失，明求受罪，當逆見優饒，非止活也。」衛從之。吳王果詔曰：「衛以往嫌，自詣司獄，其遣還郡。」唐李景讓母鄭氏，性嚴明，景讓宦達，髮已斑白，小有過失，不免箠楚。後爲浙西觀察使，有牙將逆意，杖之而斃。軍中憤甚，將謀爲變。母知之，急出坐廳事，會集將佐，立景讓於庭，大聲責之曰：「天子付汝以方面，豈得以國家刑法爲喜怒之資？萬一致一方不寧，豈唯上負朝廷？且使垂老之母含羞入地，何以見汝先人？」命左右褫其衣，撻其背。諸校皆爲之請，良久乃釋。士衆嘆服，軍遂以安。

曹翰被貶汝州有中使來翰泣曰衆口食貧不能存活以襦衣服一包願質十千使回奏帝開視乃書一幅題曰下江南圖太宗因念其父彬有大功於國家深憐之卽命召還

此與丁謂一樣筆路翰獨以父功乞憐尚有可原若謂之純乎用詐豈可與曹翰同日而語

漢文帝使田叔治梁事太后憂之不食叔至梁乃盡燒梁獄詞空手來見帝詰責之叔曰上無以梁事問也梁王不死漢法不行伏誅而太后不食或生他故此憂在陛下也上然之命謁太后復命后大喜立起餐

明永樂間敵人降者多安置河間東昌等處至正統間生養蕃

息驕悍難制會國有事將乘機變亂時值發兵征湖貴寇盜于肅愍奏遣其有名號者厚與犒賞隨軍征進事平遂奏留於彼於是數十年積患一旦潛消

王陽明既擒逆濠囚於浙省時武廟南幸駐蹕留都因有中官誘令陽明釋縱濠還江西俟聖駕親征擒獲差二宦至浙諭旨陽明乃責中貴具領狀中官懼事遂寢

唐張說有才辨能斷大事景雲初帝謂侍臣曰術家言五口內有急兵入宮奈何左右莫對說曰此必讒人謀動東宮耳若以太子監國則名分定姦膽破蜚語塞矣上如其言群議遂息

明江彬等忌王守仁功流言始與濠同謀及聞天兵下征乃擒

濠自脫欲并擒守仁以爲功。守仁與張永計謂將順天意猶可。挽回萬一若逆而抗之徒激群小之怒。乃以濠付永。再上捷音。歸功總督軍門以止。上江西之行而稱病。淨慈寺永歸極稱守仁之忠。及讓功避罪之意。上悟乃免。

明武宗南巡江提督彬所領邊兵皆西北勁卒。偉岸多力。喬白岩患之。乃命於江南拳棒教師中取其最矮小而精悍者百人。每日與江相期至教場比試。南人輕捷跳趨如飛。北人龐拳方欲交手或撞其脇或觸其腰皆倒地僵臥。江氣大阻。所蓄異謀陰以潛折自是不敢復橫。

某家娶婦之久一賊穴壁已入矣。會地有大木觸而倒破腦死。

燭之乃鄰人也。倉皇間思欲彌禍。舉家無計。新嬭曰：「無妨。令空大箱納尸於內。稍昇至賊門。剝啄數下。疾趨而返。其嬭開門見。稍謂是盜來之物。疑夫復往。他所行竊。乃欣然收寘。經日不見。夫還方發箱點視。卻是夫屍。欲聲張。又莫知誰殺。且屍實在家。恐反爲鄰舍誣陷。更無推諉。乃密瘞而遁。

劉璵、劉琨爲王愷所憎。嘗召二人宿。客欲加害。石崇素與劉善。聞就愷宿。知當有變。便夜詣王居。問二劉所在。愷不能諱。答云：「在後齋中眠。」崇便徑入。牽出同車而去。因語曰：「少年何以輕就人宿。今幸無恙。真微倖耳。」二劉愕然始悟。

武承嗣三思求爲太子。狄仁傑從容言曰：「姑姪與母子孰親。陛

下立子則千秋萬世配食太廟立作未聞任爲天子而爵始其
廟者也太后稍寤他日謂曰朕夢鸞鵲折兩翼何也仁傑曰武
者陛下之姓兩翼者二子也若起二子則兩翼振矣由是召還
廬陵王。

秦王與中期爭論不勝而怒將致之死中期出或爲之說曰中
期誠悍人也向適遇明君故若逢桀紂必殺之矣王因此言遂
不之罪。

齊景公有馬圉人悞殺之公怒援戈將自擊之晏子曰彼死不
知其罪臣請數之王曰諾乃舉戈臨之曰汝爲我君養馬而誤
殺之罪當死汝使我君以一馬殺圉人罪又當死汝使我君以

馬殺園人而聞於四鄰諸侯罪更當死公曰釋之勿傷我仁
後唐莊宗獵於中牟踐踏民田縣令當馬而諫莊宗怒叱斬之
伶人敬新磨走追還擒至馬前數之曰汝爲縣令獨不聞天子
好田獵乎奈何縱民稼穡以供歲賦何不且饑餓爾民空曠田
土以待馳驅罪固當死請亟行刑諸伶倡和聲韻悠揚莊宗大
笑命赦之

曹操以臨淄侯植才名方盛欲廢丕立之一日屏左右謀之賈
詡默然不對操曰卿何不言是非詡曰屬有所思耳操問何
思答曰思袁本初劉景升父子也操悟大笑遂不復易

漢元帝素不喜太子適中山哀王薨太子前弔哀王者帝之少

弟與太子同學相長。上望見太子。感念哀王。悲不自勝。竊觀太子不哀。恨曰。安有人不慈仁。而可奉宗廟社稷爲民父母者乎。太傅史丹免冠謝曰。臣誠見陛下哀痛中山王。至於感損太子。進見臣切戒。屬慎毋涕泣。致傷君父罪實。在臣。臣該萬死。上信爲然。意乃解。

宋英宗有疾。詔請曹太后權同處分軍國事。因左右譏間。遂成嫌隙。一日韓琦歐陽修奏事簾前。太后嗚咽具道所以。琦曰。此病固爾。病已必不復然。子疾母可不容之乎。修曰。昔溫成之寵。太后處之裕如。今母子之間。反不能容耶。后意稍和。琦曰。臣等在外。聖躬若失。調護太后。不得辭其責。后驚曰。是何言。吾心更

切也。後琦見帝，亦謂太后待之少恩。琦曰：自古聖帝明王，不爲少矣。而獨稱舜爲大孝，豈其餘盡不孝哉？父母慈而子孝，此常事。不足道。唯父母不慈而子孝，乃爲可稱。但恐陛下事之未至，父母安有不慈者哉？帝大感悟，兩宮之疑遂釋。

雖善爲解釋之語，然實至情至理，不是游說浮談。妙在兩邊壓倒，使總心中已盡冰炭，乃調停事務第一法。

李綱欲用張所，以嘗論宰相黃潛善恐其難之，且爲中阻。一日遇潛善，款語曰：今當艱難之秋，負天下重責，而四方士大夫號召未有來者。前議置河北宣撫使，獨以張所可用。又以狂妄有言得罪臺下，如所之罪，孰謂不宜？今勢迫不得不試用之。如用

爲臺諫處要地則更不可不若使之借官爲招撫冒死立功以贖罪似亦無嫌潛善欣然許之

永樂中廣東布政徐奇入覲載嶺南藤簞以餽廷臣爲邏卒獲單目以進上視之獨無楊士奇名召問對曰徐奇自都給事受命赴廣衆皆作詩文以贈故有此饋臣時有病無所作不然恐亦不免今名雖具受否未知且物甚微當亦無他上意解令燬之

明武宗時兵部主事王守仁疏救戴銑下獄廷杖謫貴州龍場驛丞在途有人隨偵將致之死至錢塘恐不免遂乘夜伴挾江冠履浮水上浙二司信之命漁人索屍祭於江上家人亦成服

竟潛附商舟渡海至閩欲入武夷山遽遁或曰爾有親在未免爲累恐不克終乃赴龍陽驛就職

謝莊字孝逸孝武嘗以寶劔賜之莊以與魯爽後值爽叛上偶問及劔所在答曰昔與魯爽別竊借爲陛下杜郵之賜矣

臨江胡季山祖秘校與客圍碁有佃突至惡聲相加問之曰來算帳耳公曰少待其人直前推局大罵客不堪怒公曰想爾不欠租欲來勾簿乎應曰然公卽取簿勾之復與斗米慰遣之至中途妻子號哭而來問何不死其人以感恩告到家卽氣絕蓋窮極服毒而來欲尋釁挾詐乃以無隙可乘而弭

梅衡湘令固安有中貴據屏蹄餉公乞爲徵負公卽烹蹄設飲

使召負者前呵之負者訴以貧故公叱曰貴人債敢以貧辭乎
今日不償徐死杖下矣負者泣而去中貴意似惻然公覺之乃
疾復呼前蹙額曰吾固知汝貧甚然無如何也亟鬻爾子與妻
持鋸來但我爲汝父母何忍使汝骨肉驟離姑寬一日夜歸與
訣此生恐不得再見矣負者聞言不勝悲慟中貴亦慮泣辭不
願徵公起致謝卽爲破券

宋王定國素爲過當世所知而王荆公絕不樂之一日當世力
薦之於神宗荆公在旁曰此孺子耳何足大用當世忿然曰王
鞏亦戊子生安得謂之孺子鞏生與萬壽節同日荆公愕然不覺退立
陽虎敗魯人閉門捕之虎奔及門守者曰天下振之不窮我今

出子虎因揚劒提戈而出顧反戈以傷出之者其人怨曰我非
故與子友也爲子被罪業死而反傷我何歟虎不答去旣而魯
君聞失貨大怒問所出之門有司拘之不傷者咸受罪傷者獨
蒙厚賞謂諸人顧縫之而傷者獨與聞也

遺愁集卷之七

○○○一集剖雪

剖○其○疑○案○雪○其○沉○冤○片○言○折○獄○以○解○倒○懸○然○犀○燭○怪○秦○鏡○照○
姦○覆○盆○得○白○如○日○中○天○又○量○其○情○形○揆○其○事○勢○擬○議○於○斯○想○
當○然○爾○出○我○靈○機○運○厥○巧○思○他○人○有○心○予○付○度○之○集○剖○雪○

單○縣○有○田○作○者○賴○餉○之○食○畢○而○死○翁○疑○賴○故○陳○於○官○不○勝○筆○楚○
遂○誣○服○許○襄○毅○公○官○山○東○天○久○不○雨○曰○獄○其○有○冤○乎○乃○親○歷○各○
邑○徇○審○獄○囚○至○餉○賴○乃○曰○夫○妻○相○守○人○之○至○願○毒○鴆○殺○夫○計○之○
至○密○焉○有○自○餉○於○田○而○殺○之○者○乎○遂○細○詢○其○所○饋○飲○食○及○所○經○
道○路○賴○曰○魚○湯○米○飯○度○自○荆○林○無○他○異○也○公○乃○疑○急○買○魚○作○飯○

投荆花於中試之犬豕無不立死。賴寃遂白。卽日大雨。

有蘇人作商於外。其妻畜公鷄數隻。以待其歸。數年方返。殺鷄食之。夫卽死。鄰舍疑其有毒。首之太守。公鞠無他故。因憶鷄或有毒。乃取其家老公鷄與應死囚食。果殺二人。其獄遂豁。鷄性喜食蜈蚣百蟲。久則毒蓄於首。猶如鷄頂。故養生家不食老雄鷄。與積母鷄。又曰。夏月不宜食鷄。蓋爲此也。

潁州有富室兄弟同居。皆苦無子。已而賴皆懷妊。長賴胎傷。弟賴生男。長賴恃強盜取爲己子。爭訟三年。州官不決。丞相黃霸令走卒抱兒去。婦各十步。叱令自取。長賴抱持甚急。兒大啼。叫。次賴恐兒驚傷。因放與之。而心甚懷愴。霸遽曰。此弟子無疑也。

責問果服

壽春人苟泰有子三歲遇賊失亡數年不知所在後見兒在同郡趙奉伯家泰以狀告各言已子竝有鄰証官不能斷李崇令二父與兒分居三處故久不問忽一日密遣人分告其父曰君兒不幸昨遇暴疾死泰聞卽號泣不勝奉伯咨嗟而已使還報崇遂以子還泰詰責奉伯具款供云先亡一子故妄認之崇乃赦之

元絳攝上元令甲與乙被酒相毆甲歸臥夜爲盜斷足妻指乙執詣縣而甲已死絳勸甲妻曰汝歸治夫喪乙已服矣隨遣謹信吏陰跡其後望一僧迎笑切切與語絳命收繫詰其姦狀卽

吐實或問其故曰吾見嬭容不哀且與傷者共席而濡無血是
知○之○

張尉知鉛山有賣薪者性嗜鱸一日市歸妻烹以進恣啖之腹
痛而死鄰保謂妻毒夫執送官考究無他據獄不能具公至疑
中○鱸○毒○召漁人捕鱸百觔悉置甕中有昂頭出水二三寸者得
七條異之召嬭而烹出死因與食遽呼腹痛而死遂出其嬭
安重榮爲武德節度有夫嬭訟子不孝者重榮不加詰詢卽拔
劍授其父曰有子不孝汝自殺之父泣不忍舉手其母從旁詬
夫奪劍逐其子究之乃繼母也因此其母出遂從後射殺之
江淮游平章顯公爲政清平有城中銀店夫一蒲團後於鄰家

認得鄰不服爭。嘗適游行至詢其故。嘆曰：「一蒲團所值幾何，致失兩家之好，乃杖蒲團數下棄之可也。」及舉杖得銀星，遂責其鄰。

傅琰事齊爲山陰令。有賣鍼賣糖二老嫗共爭團絲，請琰告理。琰取其絲，鞭之密視，有鐵屑，乃罰賣糖者。又有野父爭認一雞，不決。琰出遇之，因問以何物食雞。一云米，一云麥，卽命破雞得米，言麥者作服。

王世貞爲青州兵備官，校捕七盜而逸其一。盜首妄言逸者姓名，俄縛一人至，甚稱寃，乃令置盜庭下。差遠而呼縛者跪階上，其足穿絲履，盜數後窺之，因密呼一隸蒙盜首而肖縛者，易其

履以入盜首不知卽指絲履者世貞大笑曰爾以吾皂爲盜耶
遽命釋之

三

周新按察浙江將到任道上蠅蚋迎馬首而聚使人尾之得一
暴屍唯小木記在取之及至署令人市布屨嫌不佳更別市之
果得與印記相符者卽擒鞠之乃劫布商賊也又一日方視事
忽旋風吹異葉至前問左右言城中無此木惟一古寺有之但
去城差遠何由得至新悟曰此必寺僧殺人埋於樹下冤魂來
告我耳卽令吏往發之果得一婦尸逮其僧嚴訊之卽款服
有人從他方歸見妻被殺而失其首奔告妻族族謂壻所殺訟
之郡王刑掠既嚴遂自誣服獨一從事疑之謂王曰人命至重

須緩窮之。且爲夫者。誰忍殺妻。縱有隙而害之。必爲脫禍計。存屍而藏其首。必有不明。請爲更讞。王從之。從事乃遷係其人於別室。遍勘作行人。各令供。近來與人家安厝墳墓。多少文獻。復一一面詰之。曰。汝等與人舉事。其中曾有可疑者否。中一人曰。某於一豪家舉事。共言殺其奶子。於牆上舁過。直器中似覺無物。見在某坊。隨往發之。果僅得一顙首。令訴者驗之。則言非是。遂收豪鞠之。嚴拷其服。乃是豪與顙私好。故殺一奶子。僅函首葬之。反以顙衣衣奶尸。而置婦家。易顙以歸。藏之別室。其冤頓白。

有徽商甚富。偶悅一小家婦。欲私之。厚餌其夫。夫利其金。許之。

歸以語嬭嬭不從強而後可卜夜爲具招之故自匿而令嬭王
觴商來稍遲見嬭已被殺亾其首矣驚走不知其由夫疑商殺
之訟於郡商曰相悅有之何至見殺官不能剖一鄰老訴云殺
或有之藏首何用何時有叶夜僧在街募化於殺人後遂不復
來事屬可疑官悟乃禁商使人察僧所在果於旁郡行腳因以
一人着嬭衣居深林中候僧過掩面作女人聲呼曰和尚還我
頭來僧心虛大驚曰頭在汝上三家肉舖鈎上衆出縛之解至
僧知語洩欵云向夜見其門啟初欲入盜因見嬭盛衰泣坐牀
側求淫不得怒而殺之擄首出掛舖架復拘其家至曰有之懼
禍及因移挂在上十家門前樹上又拘其家至曰有之因天明

未便移乘卽埋任園中遣吏往掘果得一頭乃一有髮男子再掘而殯首始出因究此頭何來乃供十年前斬讐人某竊首埋之於是二人皆抵罪

臨海縣迎新秀才適黌宮有女見一生韶美悅之有賣婆在旁曰此吾鄰家子也爲小娘子作伐成佳偶何如因與訂定乘夜而來女付物爲信婆歸以女意誘生生不從婆有子無賴知其事乃逼母信物假生夜往女不及辨就之一日其家舍二客因移其女而以女榻寢焉夜忽有賊斷其雙首而去明日聞於縣以爲其家殺之而糞案無有殺之何爲因問榻向臥誰曰是我女兒今日知之矣立逮其女作威詢曰汝姦夫爲誰可速供出

女懼曰某秀才也逮生至日婆語有之實未至其家極言其枉令見生少年秀雅狀貌敦朴頗有疑又問女云秀才身上可有痣記驗否曰左臂上有一大痣視之無有因沉思曰婆有子乎曰有急拘其子驗悲果然日殺人者汝也刑之輸服供云其夜再往園姦因黑夜捫得二首以爲女復有他好怒而殺之願抵罪父與生因得白

大凡獄有可疑者其中必非無故只是承問者一時任性橫加拷掠嚴刑之下何事不承以致覆盆難白此令旣聰明又寬厚平心靜氣轉輾推求何憂不得其情耶

咸都有姦獄一日和姦一日強姦某長不能決申之郡守曾永

清公曰易辨耳令隸之有力者盡去嬾衣不許留絲寸於是言衣盡去獨存襖褲嬾抵死自持隸竟無如之何公大笑曰和姦無疑矣嬾苟守貞衣且不易去况可相犯耶責令具款果遂供服

陳騏爲江西僉憲初至任夢一虎帶三矢登舟覺而異之會問吉安女子謀殺親夫事案有疑初女子許嫁庠生某女富而夫貧女家恆周給之生甚感激每告其友周彪彪家亦富聞其女美欲圖婚而無策後貧士迎親時彪與之偕行謂之伴郎途中生遇盜殺生父疑女家嫌其貧故謀殺其子欲以女他適不知乃彪所謀欲計娶其女也訟之官問者強按其女有姦故謀殺

夫蒙混成獄。呼其父母。又極稱冤。因謂生父曰。汝子交與平昔。誰爲最密。曰。有一周彪。思曰。虎帶三矢。而登州非周彪乎。

況又伴其親迎。夢爲是矣。暫收之禁。越數日。僞移檄吉安。取有

合順判

學之士。修郡誌。而彪名在焉。既至。設饌飲之。酒半。獨召彪入後

堂。握手屏人。曰。人言汝謀殺貧士。而欲求致其妻。吾憐汝有學

此獄一成。不可反覆。汝當吐實。吾好赦汝。彪出其不意。錯愕戰

慄。跪而悉陳。騏錄其口詞。潛令人緝至。同謀者一訊成獄。以彪

抵罪。立雪其女。一郡驚爲神異。

西川黃孝先。以善軌革名世。有客王晏。因售貨至成都。求爲卦。先判曰。叶佳。莫佳。叶洗。莫洗。擢一石穀。搗三斗米。遇明則活。逢

暗則死。旻受命及還途中遇雨。憇一屋下。路人擁塞。乃思曰。叫住莫住。得非此耶。遂起。未幾屋覆。衆被壓。旻獨免。妻與鄰子有私。許以終身。候夫歸。令洗浴。暗中刺死。旻抵家。及夜果呼旻浴。旻復悟曰。教洗勿洗。得非此耶。堅不肯沐。妻怒。乃解衣自浴。忽壁縫中伸出一鎗。被刺。旻大驚。莫知其故。明日鄰舍至。咸謂旻害妻。呈之郡守王明。加以酷刑。旻泣曰。死則死矣。但可恨者。孝先之言不驗耳。左右以語上達。明沉思良久。問曰。汝比鄰有康七否。旻曰。有。明日殺汝妻者。必此人也。衆咸不信。急令捕至。詢果服罪。僚佐駭問。明日叫住教沐。二語已驗。一石穀春得米三斗。豈非康七乎。遇明則生。應予爲之。自聞者始悟。

祝知府又嘗勸農出郊適有兩家牛鬪一牛竟死牧者訴之公
判曰兩牛相爭一死一生死者共享生者同耕時人嘆服

遣愁集卷之七

○○○一集弘度

度○越○八○方○量○包○萬○有○含○弘○廣○大○溥○溥○咸○周○超○出○等○輩○迥○軼○凡○
流○若○有○个○臣○有○容○休○休○集○弘○度○

唐高祖令封德彝舉賢久無所進上詰之對曰未有奇才上曰
君子用人如器當各取所長古之致治者豈借才於異代乎德
彝慚

唐大將軍長孫順德受絹事覺太宗更賜絹以嫌之胡績以爲
不可上曰彼有人心得絹之辱甚於受刑如不知愧一禽獸耳
殺之何益

唐魏徵好切諫太宗殊憚之一日謂上曰人言陛下欲幸南山而竟不行何也上笑曰畏卿嗔故中輟耳又嘗自臂佳鵝望見徵來急匿懷中徵知之奏事故久不已爲竟死懷中

有是方惟○有○是○區○

唐盧承慶考中外官有一督運官遭風失米判云監運損糧考下下見其人容色自若重其雅量改注云非力所及考中中其人亦無喜容又改云寵辱不驚考上上

蒲州刺史陸象先政尚寬簡嘗謂人曰天下本無事但庸人自擾之耳苟清其源何憂不治

唐陸宣公贊以大水請遣使賑撫上曰淮西貢賦已闕可不必賑贊曰帝王懷柔萬邦惟德與義寧人負我無我負人上溪然

之

宋太祖微時嘗依隨州刺史董本宗其子遵誨每侮之一日謂
曰每見城上有紫雲如蓋又夢蛇化龍飛去是何祥也太祖不
答及卽位召諭之曰卿尙記紫雲黑龍之事乎遵誨惶恐請死
上曰朕方赦過賞功豈念舊惡耶乃以爲通遠軍使

寇準與王旦不和數短旦於帝而旦專薦準中書有事送密院
違詔格準卽上聞密院有事送中書亦違詔格旦密令送還準
由是漸謝後托人語旦求爲使相旦驚曰吾素不受私請宰相
豈可求得耶準甚憾之已而竟同平章事準入謝帝具道旦所
薦準始愧歎爲不可及

金徒車合喜侵黃牛堡人情洶洶制置使李剛中跨一馬馳二
百里至吳玠營起之帳中責曰將軍與國義同休戚臨敵安得
高枕而臥玠大驚調兵分進破之金兵退剛中馳歸謂李燾曰
將帥之功吾何有焉燾歎曰身爲督戰而成功不居剛中度量
過人遠矣

徐存齋年未三十由翰林督學浙中一士子文中用顏苦孔之
卓徐勒之批云杜撰置四等及發落生將領責執卷進云太宗
師見教誡當但此語出楊子法言實非生員杜撰也徐起立曰
本道僥倖太蚤未嘗學問今承教多矣改置一等時人翕然稱
其雅量

劉晏於楊子置場造船每艘給以千緡或言其所用不及半請損之晏曰論大計者不惜小費凡事宜爲永久之慮今始置船場執事者多當使之私用無窘則官物堅完若遽與屑屑計較安能保其久行乎異日必有減之者減半猶可過此則不堪運矣後五十年有司果奏減其半及咸通中計費而給無復美餘船益脆薄易壞漕運遂廢

平湖陸太宰亮祖初爲濬令有富民枉坐重辟相沿數年官以其富恐涉嫌疑不敢爲之白陸至訪實卽日破械出之然後聞其上臺臺使曰此人素以富名奈何驟出之陸曰但當問其事之枉不枉不必問其家之富不富果不枉夷齊恐無生理如枉

陶朱亦無死法。使者甚器之。後行取爲吏部黜陟。自由絕不關。白臺省時孫太宰丕揚在垣中。以專權劾之。落職辭朝。遇孫公。揖曰。承老科長見教。甚賀相成。但今日吏部衙門。嚮托者多。不專。何以申公道。孫沉思曰。誠哉。吾過也。卽日草奏。自劾失言。而力薦陸遂得起復。

王越撫大同。一日大雪。方坐圍爐。使諸伎把琵琶。捧觴侍立。而一千戶適調邊。還卽召入。與談邊事。甚悉。大喜曰。爾寒矣。須飲熱酒。卽手酌金卮。賜之。復談益快。命絃琵琶。侑觴。卽并金杯與之。已而又談更樂。甚乃指妓中最姝麗者曰。欲之乎。以乞汝自是千戶所至。効死積功。至都指揮使。

王越值邊人叛○夜襲其營○將至暴風驟起○塵且翳○目衆惑欲歸○○何○物○老○共○有○此○見○忽一老兵前曰○此天贊我也○去而風使人○不覺歸而卒遇入掠者○還而我據上游○皆是風也○越聞之○不禁下馬拜服○及功成○推卒爲千戶○

平蔡乘雪奪崑崙乘雨而皆以夜進○兵法日出其不意○攻其無備○此之謂也○

宋呂蒙正素貧賤○及拜相入閣○有朝士指之曰○此子亦參政耶○○伴○爲○不○聞○同○列○不○平○欲○詰○其○姓○名○蒙正止之曰○若一知其人○則終身不能忘○不若弗知之爲愈也○

秦穆公嘗出而亡其駿馬○自往求之○見人已殺其馬○方共食之○

繆公曰是吾駿馬也。諸人懼而起。公曰吾聞食馬肉而不飲酒者必殺人。乃以醇醪以次飲之。殺馬者皆慚感而去。居三年而晉攻秦。公被圍。食馬者相謂曰。今應出死以報食馬得酒之恩矣。遂奮擊晉師。無不一。以當百。公潰圍而出。因以致勝。獲惠公而歸。

婁師德謂弟曰。有人唾汝面。當何如。曰。勿與爭。弟拭之。師德曰。此所以爲我憂也。人唾汝面。方且怒汝。若或拭之。是益其怒。唯。有笑受自乾耳。

光武攻王郎。斬之。被邯鄲得將佐吏民與郎交關。謗毀者數千章。絕不檢閱。悉令燒之。曰。使反側子自安。

郭駿尙昇平公主琴瑟不調駿曰汝倚乃父爲天子耶我父薄天子而不爲主恚入奏子儀聞之囚駿入朝待罪代宗曰不呆不聲作不得阿家翁兒女閨房之言勿聽

南漢主劉鋹苛斂奢淫宋太祖聞之曰我當救此一方民乃命潘美等伐之師克雄州鋹降至汴封恩赦侯嘗從遊講武池賜以卮酒鋹疑有毒捧杯涕泣帝曰朕本推心置腹安有此事卽命取銀酒自飲別酌以賜鋹大慚謝

晉謝萬石與蔡系論朝事不合蔡推謝墮牀冠幘傾落謝徐曰遽爾幾壞我面系曰本不爲卿面計嗣後俱不介意時甚稱其度

宋太祖與趙普論奏維翰普曰使維翰在陛下亦不用上問云何曰愛錢耳上曰苟用其長當護其短彼窮措大眼孔小若賜以十萬貫則塞破其屋子矣

鄭元業才量兼至策試時夜有同試人乘醉突入鄭爲輟半鋪地以止其宿其人曰仗取一勺水爲煎一碗茶鄭欣然從之後鄭狀元及第其人啟謝曰旣取水更煎茶凡夫俗眼當時不識貴人窮相骨頭今日遂爲後進

山西巡檢郭進有軍校詰汴誣以不法事宋太祖知其情送進令殺之會北軍來侵進語之曰汝敢論我洵有膽氣今貫汝罪能掩殺敵兵當卽薦汝若敢可自投河東其人踴躍赴戰大致

克捷進果薦之。

吳程普以周瑜位出已右數侮之瑜絕不與較更折節下之普後敬服嘗語人曰與公瑾交若飲醇醪不覺令人自醉

隋鄭譯爲上柱國而與母別居爲憲司所劾詔除名下制曰譯若留之於朝在人爲不道之臣戮之於市入地爲不孝之鬼賜以孝經令之熟讀仍着奉母同居敬養

奇章公牛弘有弟好酒性醺嘗射殺弘駕車牛弘還宅妻迎告曰叔射殺牛弘漫應曰以之作餽妻默然而退

楊守陳以洗馬乞假行次一驛丞不知爲何官與坐抗禮漫問曰公職洗馬日洗幾馬公笑曰勤則多洗懶則少洗俄報一御

史○至○乃○促○令○讓○舍○處○之○公○曰○待○其○至○而○讓○未○晚○比○到○則○公○門○人○也○跪○而○起○居○承○始○驚○愧○滿○伏○乞○憐○公○不○之○較○

沈○士○麟○嘗○行○路○隣○人○悞○認○所○着○屐○公○曰○是○卿○屐○耶○笑○而○與○之○卽○跣○而○反○隣○求○得○已○屐○送○還○謝○罪○公○曰○非○卿○屐○耶○笑○而○受○之○更○無○一○言○

漢○劉○寵○入○相○告○歸○出○京○師○欲○息○郵○亭○吏○拒○之○曰○整○頓○酒○掃○以○待○劉○公○爾○不○可○得○也○公○竟○不○言○而○出○

開○元○中○頒○賜○邊○軍○纈○未○出○於○宮○製○有○兵○士○於○袍○中○得○詩○云○沙○場○壯○士○客○寒○苦○共○誰○眠○此○袍○經○手○製○知○落○阿○誰○邊○蓄○意○多○添○纈○會○情○更○着○綿○今○生○已○過○也○願○結○後○身○緣○兵○以○詩○白○帥○帥○進○之○朝○主○

宗○命○遍○示○六○宮○曰○作○者○勿○隱○朕○不○罪○汝○一○宮○人○自○言○萬○死○上○恒○
之○遂○以○配○得○詩○者○笑○謂○曰○吾○與○汝○結○今○身○緣○邊○士○皆○感○泣○
范○文○正○公○得○一○宅○基○堪○輿○言○此○地○當○世○出○卿○相○公○曰○誠○有○之○不○
敢○以○私○一○家○遂○捐○作○學○基○卽○今○蘇○州○府○學○是○也○
周○叔○夜○元○旦○肩○輿○出○市○惡○少○指○曰○夫○夫○名○爲○善○士○吾○試○辱○之○乃○
高○聲○呼○其○名○公○如○不○聞○及○歸○使○召○諭○曰○若○幸○遇○我○毋○犯○他○人○恐○
不○宥○汝○也○笑○而○遣○之○

光○廟○年○甫○十○三○經○筵○日○每○閣○臣○一○人○入○直○講○案○前○有○銅○鑊○崔○故○
事○卽○頭○畢○從○崔○下○轉○東○面○西○立○一○臣○誤○出○其○上○光○廟○囑○內○侍○曰○
移○銅○崔○可○近○前○些○衆○皆○嘆○服○

屠滿位冢宰有鄉人假稱公子沿途騷動人以告公意必加譴公但呼語曰汝爲我兒亦不辱但難爲若翁耳今後慎毋爲此韓琦與范仲淹議西事不合范拂衣去琦自後把其手曰希文事便不客商量耶和氣滿面范亦意解卒議相符而退

宋仁宗春日步苑中屢回顧皆莫測聖意及還宮謂嬪御曰渴甚可速進茶來嬪曰官家何不外面詔取致久渴耶上曰屢顧不見苟問之必有待罪者故忍而歸左右皆頓首動容

張莊懿公鑒巡按山東初到臨清爲酒家簷標挈落紗帽左右失色公命拾帶之聲色不動且曰州守縛其人親來待罪公曰此是上司過往處今後酒標須掛高些逕遣出

胡存齋折節下士賓至如歸凡士夫經其地無不願見者每遇
閑人不爲通是日苟不他出卽懸牌於門曰胡存齋在家
溫公有老僕顯貴二十年只稱司馬秀才一日子瞻來謁因而
教之乃改稱大叅公公驚問以實告公笑曰好一僕人却被東
坡壞了

夏原吉治水江南至崑山寓千墩寺中公所居不陳儀從坐室
觀書如常人有鄉民數輩來寺遊觀雜坐其旁旣而問尙書何
在僧曰觀書者是衆始駭散公殊不爲意

唐從事崔郊有婢端麗郊嘗私之旣貧鬻於連帥於頃家郊思
慕不置因寄詩云公子王孫屬後塵綠珠垂淚濕羅巾侯門一

入深如海從此蕭郎是路人。頃偶見之。卽召崔携婢而歸。
光武時有人告馮異威權太重。百姓歸心。帝以章示異。異懼上
書陳謝。乃詔慰曰。將軍之於國家義則君臣。恩猶父子。何嫌何
疑而有懼焉。

宋韓魏公琦出鎮中山。有門客夜半踰垣出宿娼家。公知之。乃
作種竹詩以警之。云。慙慙洗濯加培植。莫遣狂枝亂出牆。客聞
而自愧。亦作詩云。主人若肯憐高節。勿使狂枝受斧斤。公感其
言。乃置一女奴贈之。

遺集卷之七

○○○一集狠辣

賊以毒計陷以陰謀。廁中可置。濁流可投。蜂蟄成性。蛇蝎爲伴。刀藏笑裡。無與李猫。又法不可玩。情不可求。殺人如戲。刈人如仇。胸藏經緯。腕挾戈矛。擬之薑桂。其辣不休。集狠辣。

李世民欲反。恐父淵不從。先令裴寂以晉陽宮人侍寢。謂曰。二

父前可劫何死兄弟

郎欲大舉。正恐事覺。坐誅耳。乃乘間屏人。說令起兵。淵大驚曰。汝安得爲此言。明日復說。淵曰。吾一夕思汝言。亦大有理。今事已如此。無可奈何。今日破家。亡軀。亦由汝。汝化家爲國。亦由汝矣。武后既立。乃斷王皇后蕭淑妃手足。投之酒甕中。曰。令二姪骨

醉越數日而死。

雖極狠毒。然較之呂后投戚夫人於廁中。還覺乾淨有韻致。一笑但未知后與妃平日酒量何如。好飲與未。今有酗酒生事者。當以此法處之。令其心醉。使其骨酥。

李林甫性險刻。善排陷人。而人不之知。嘗謂李適之云。華山有銀鑛。采之可以富國。曷不爲上言之。適之信果爲上言。上問林甫。對曰。臣知之已久。但華山爲陛下本命。王氣所在。鑿之非宜。故不敢言。上謂愛已而罷。適之。

盧杞惡顏真卿。乘李希烈陷汝州。告上曰。誠得儒雅重臣爲陳。禍福可不勞軍旅而服。真卿三朝舊臣。名重海內。人所敬信。其。

其人也。上以爲然。詔下舉朝皆失色。及往。果爲希烈所縊。

李林甫欲除不附已者。以吉溫羅希奭爲侍御史。二人隨其所欲。鍛鍊成獄。時謂羅鉗吉網。

唐李振舉進士不第。泚賊縉紳之士乘朱全忠爲亂。進言曰。此輩自謂清流。宜投之黃河。使爲濁流。全忠笑而領之。乃聚朝士裴樞等三十餘人於白馬驛。一夕盡殺之。投其屍於河。

宋真宗自澶淵還。王欽若泚賊寇準之功。私進曰。陛下謂準有社稷之功耶。城下之盟。春秋恥之。澶州之役。是也。傳者輸錢欲盡。乃罄所有盡出之。謂之孤注。陛下準之孤注也。斯亦危矣。由是頌準寢衰。遂出知陝州。

宋真宗得瘋疾事多決於劉皇后丁謂力譖寇準貶知相州帝不知曰吾目中久不見寇準左右畏謂威皆莫敢對後復議貶爲雷州司戶必欲致之死乃遣中使齎勅就賜以錦囊貯劍揭於馬前示將誅戮狀至相州衆皆惶懼準方與郡官飲宴神色自若使人謂曰朝廷若賜準死願見勅書使不得已乃授勅準拜於廷升階復宴至暮乃罷

宋仁宗朝石介奏記於富弼勸行伊周之事夏竦怨介又欲因以傾弼乃使女奴陰習介書摹成遂改伊周爲伊霍且僞作介爲弼撰廢立詔草飛語上聞帝雖不甚信而弼等懼不自安皆請行邊介亦求得外補

秦檜以岳飛不死終梗和議已必及禍乃與張俊謀殺之密誘飛部曲能告飛事者優以重賞卒無應者聞飛統制王俊善訐告號鵬兒以姦貪屢爲張憲所抑頗有銜恨使人諭之俊許諾於是謀以張憲王俊皆飛步伍使其徒自相攻發因以及飛庶帝不疑乃爲狀付俊妄言憲謀據襄陽還飛兵柄執赴樞府鞠之使憲自誣謂得飛子雲手書命憲營還兵計憲被掠無完膚竟不伏承俊手自具獄成告檜檜卽矯詔使召飛父子証憲事拘詣大理獄遂誣飛致書張憲王貴令虛申探報以動朝廷雲與憲書令措置使飛還軍且云其書已焚附會成獄大理卿薛仁輔及韓世忠等皆詣詰其實悉不聽卒殺之於大理獄

死於大理獄。與死於東窓下。同一死耳。不見秦家夫嬖至今。存也。爲之三歎。

韓侂胄欲逐趙汝愚。謀於京鏐。鏐曰。彼宗姓也。誣以謀危社稷。則一網打盡矣。乃引李沐爲右正言。使劾汝愚。遂出知福州。御史胡宏復希侂胄旨。上言汝愚乘龍授鼎。假夢爲符。倡引僞徒。將謀不軌。責令永州安置。汝愚怡然就道。至衡州暴卒。天下寃之。

明嘉靖時。松江一監生博學有口。而酷信丹術。有丹士來投。先以小試取信。乃大出其金。一日盡爲竊去。生甚慚憤。欲爲廣游。以與一遇。忽一日。值於吳之閭門。丹士不待啟齒。卽邀飲肆中。

慙○慙○謝○罪○曰○吾○儕○得○金○隨○手○費○去○雖○與○吾○計○總○無○所○補○今○洞○窟○
山○有○一○大○姓○業○有○成○約○俟○吾○師○來○卽○便○舉○事○奈○急○不○得○來○君○肯○
權○作○吾○師○取○償○於○彼○特○易○耳○生○急○於○取○銀○許○之○乃○令○剪○髮○爲○
頭○陀○偕○至○其○家○執○師○禮○甚○恭○大○姓○接○其○談○鋒○深○相○欽○服○日○與○款○
接○而○以○丹○事○委○其○徒○輩○謂○師○在○無○慮○也○居○數○日○復○竊○金○遁○因○執○
其○師○欲○訟○之○官○生○號○泣○具○剖○所○以○僅○得○釋○歸○親○知○見○其○髮○種○種○
莫○不○訕○笑○生○益○愧○恨○杜○門○不○敢○出○

明○萬○曆○中○京○師○有○三○婦○人○僱○驛○騎○行○一○男○子○執○鞭○隨○之○忽○一○少○
婦○欲○下○擇○便○地○呼○二○婦○曰○緩○行○俟○我○因○倩○男○子○佐○之○下○卽○與○調○
謔○若○相○悅○者○已○乘○驛○曰○我○腹○痛○不○能○急○行○男○子○旣○不○欲○強○少○嬾○

追二婦又不可得。乃少憩道旁。候與偕行。不想少頗已反走久矣。是日三騾俱失。

失金悞於財。失騾悞於色。甚矣財色之害人也。計雖狠亦由貪癡所使耳。

李抱貞鎮潞州。軍資匱缺。計無所出。有老僧大爲郡人所信服。抱貞因往請曰。假和尙之道。以濟軍實。可乎。僧應諾。復謂曰。但說言擇日鞠塲焚身。當於便宅鑿一地道通連。候火作。卽以相出。僧信從之。遂陳狀。聲言乃命於鞠塲積薪貯油。爲七日道塲。晝夜香花燈燭梵唄。禱作。復引僧視地道。使之不疑。僧乃升壇執爐對衆說法。抱貞率監軍僚屬及吏兵將士羅拜其下。以俸

入壇爲施堆貯其旁由是遠近誼傳士女駢集捨財億萬計滿
七日遂聚薪發火煙焰蔽天大衆遮壇擊鐘念佛抱貞密已遣
人填塞地穴俄頃僧薪俱灰所得資財悉輦入軍庫別求所謂
舍利者造塔安厝焉

曹操征袁紹軍中缺糧管運官王垕來稟操曰姑以小斛支散
可足垕曰倘軍心不服奈何操曰我自有處垕果如操言操密
探諸軍盡出怨言乃呼垕曰當借汝首以壓衆心妻子我厚撫
之垕曰臣有何罪操曰我固知無罪但事已如此不得不爾遂
令塞其口題其背云故行小斛竊盜兵糧特按軍法斬首示衆
傳徇各營衆始無語

張敞爲京兆尹將去任使掾絮舜按事舜私曰五日京兆耳安能復治事敞聞之怒遂殺舜後爲舜家所告免爲庶人歲餘冀州盜起復爲刺史盜賊屏息

李膺拜司隸校尉時黃門張讓用權其弟朔爲野王令貪殘不法畏膺往匿兄家合之在中膺探知其狀率吏破柱擒朔殺之諸常侍屏息不敢復縱

隋將堯君素守河東唐攻之不下招之不從遣其妻至城下謂曰隋室已亡君何自苦君素曰天下名義非婦人所知引弓射之應弦而倒

魏文侯使西門豹爲鄴令會父老問民疾苦對曰苦爲河伯娶

嫺豹詢其故曰鄴三老廷椽常歲賦民錢數百萬用二三十萬
與河伯娶嫺因與巫祝共分其餘當其時巫行視人家女好者
云是當爲河伯婦卽令沐浴易新衣治齋宮於河上設絳帳牀
席居女其中卜日浮諸河行數十里乃滅俗語云卽不爲河伯
娶嫺終爲水來漂溺於是人家多携女遠竄故城中以空豹曰
及其時幸來告吾亦欲往送之至期豹乃往會河間鄴三老官
屬豪右里長父老咸集聚觀者數千人其大巫一老女子也女
弟子十人從其後豹曰呼河伯嫺來旣見顧謂巫祝三老曰其
女恐不佳嫺大巫嫺爲入報河伯更求好者相送嫺未及答卽
使吏卒共抱大巫投諸河中有頃日嫺去何久更命弟子趣之

凡投入三弟子復曰是輩皆女子想不能白事須煩三老入達之三老戰慄不能出聲復卽捧三老於河豹自簪笏罄折嚮河拱立待之良久傍視者皆驚恐豹顧曰巫姬三老久不還報奈何不若使廷椽豪右各一人疾入再趣之衆相顧失色皆叩頭流血請死豹曰且俟須臾須臾視衆如死灰然豹乃投簪大笑曰廷椽輩起河伯不娶婦矣吏民震懼其風遂絕

倡其禍者巫與三老此外不過因人取利殺其尤者已足戒其餘罪分首從煞有分曉○吾吳相傳上方山五侯好酒喜財更兼愛色亦往往有娶婦之說卜筮爲之判斷巫祝爲之振鼓愚人因而疑信自春徂冬遊船鼓吹繹絡不絕甚至有

借債者祈福者禳禍者保患者招魂叫魄者舉國若狂紛紛不已歷千百年如一日洵是蘇城一大弊康熙乙丑秋中州湯中丞公諱斌者撫吳特命移像付之水火改廟宇爲伏魔聖殿并禁止民間款待花筵等項而民竟相安如故神亦絕不爲祟其亦與西門公同一卓識歟

李傑爲河南尹有寡嬖訟子不孝傑物色非真因語婦曰若子法當死後得毋悔乎答曰惡子無狀不悔也傑命嬖市棺爲殮屍具而陰使人踪跡之嬖出乃與一道士密語頃之果搖一棺至傑命人捕道士前來嚴刑鞠諷實與嬖私而殮子不得逞因而合謀訟之者傑乃杖其嬖卽殺道士納之棺

呂夷簡子公弼爲成都守治尙寬厚人多嫌其少威斷適有營卒犯法當杖桀悍不受曰寧以劍死不甘受責公弼曰罪止於杖不應至死但杖者國法劍者自請乃杖而後斬之軍府爲之肅然

張詠知益州嘗有小吏忤之命械其頸吏恚曰枷卽易脫卽難

詠聞之曰脫亦何難卽命就械斬首郡吏悚懼不敢再犯

司馬懿夫人張氏有智畧懿懼曹爽謀害托病瘋痺不起一日晒書於庭忽暴雨至不覺自起收之家唯一婢見氏卽手殺婢以滅口而親自執爨

隋文帝時雷州總管趙訥貪虐不法狸獾多叛夫人鄭氏力諫

苦爭了不知改將至敗壞因不得已密遣長史上封事論安撫之宜并陳訥罪狀上置訥於法卽勅夫人掌州事招慰叛人乃親載詔書自稱使者歷遍州郡宣述上意所至皆感泣降服及歸仍謹守訥容不復視事上雅重之詔封爲誠敬夫人命其子襲爵

德昭死秦王廷美不自安柴禹錫因上變以搖之帝意不決召趙普諭以太后遺旨普曰太祖已誤陛下豈容再誤上意遂決廷美因得辜乃遣就第復詔貶爲涪陵縣公房州安置

後漢蘇章順帝時遷爲冀州刺史有故人爲清河太守甚姦賊章行按其步伍太守爲設酒餽陳平生之好甚歡太守喜曰人

止一天我獨有二天章曰今日儒文與故人飲者私恩也明日
冀州刺史按事者公法也卒舉正其罪

嘉靖中胡宗憲誘汪直投降直與胡皆徽人遂相信因以銀十
萬托胡愧嚴嵩不惟免議且與授指揮之職嵩受賄欲擬投降
有死錫銜示勸之旨會三司法官持議甚堅而外論又復籍籍
竟票旨汪直梟首其黨葉宗滿王汝賢等既稱歸順發邊遠充
軍

張詠在崇陽一吏自庫中出視其簪旁下有一錢詰之乃庫中
物也命杖之吏勃然曰一錢何足盜乃欲杖我耶爾能杖我未
必能殺我也詠聞之援筆判云一日一錢千日千錢繩鋸木斷

水滴石穿。自仗劍下堦立斬。以徇。然後中府自劾。郡守嘉其能。斷群吏震肅。不敢再犯。

石崇豪富。每宴客。常令美人行酒。客不盡歡。使黃門立斬美人。王導與敦常共詣之。丞相素不能飲。輒勉強至。醉及到大將軍前。固辭不飲。以觀其變。已斬却三美人。顏色自若。不飲如故。丞相不忍讓之。敦曰。彼自殺伊家人。何預卿家事。崇爲氣奪。令不復行。

明景泰丙子。劉文介儼。呂文懿。原主順天鄉試。大學士陳循子英。王文子倫。下第二人。爲子稱屈於上。欲罪一等。上不從。准其子會試。時張寧爲禮科。劾曰。卽令才而屈。猶不可。况無實之爭。

可以服天下。乞罰二人以爲小人無忌憚之戒。天下壯之。明年二人以罪死於戍。文介等名益起。

唐哥舒翰爲安西節度使。差都兵馬使張權赴都奏事。逗遛不返。適楊國忠除御史中丞兼劍南節度。勅甫下。適翰入朝。就第謁見。翰命步卒捧之庭下。數其罪。然後奏聞。玄宗下

遺愁集卷之八

成都余 畜生生

鑒定

松陵顧有孝茂倫

古吳張貴勝晉侯纂輯

吳時森青霞

周 嶽瞻奇

俞 瑒犀月

張闢真炎貞

友人

宗學會德永

李 炳敷五

訂正

黃 玢憲尹

汝周錄其修

○○○一集聰慧

維聰與明賢乃天生既聰且明尤貴乎真聰明不真反足悞

人遐思往昔良獲我心。又人家養子咸願麒麟生男不慧不
如不生。穎敏越世俊秀軼倫。細想佳兒的的可人。集聰慧
晉嵇康爲人放達。與阮籍阮咸山濤向秀王戎劉伶相友善。號
竹林七賢。鍾會聞其名而造之。康箕踞而鍛。不爲之禮。會將去
康曰。何所聞而來。何所見而去。會曰。聞所聞而來。見所見而去。
韓信請爲假齊王。漢王怒。張良躡足附耳曰。漢方不利。寧禁信
之自王乎。王悟。佯曰。大丈夫卽爲真王。何以假爲。遂封爲齊王。
趙王武臣使將韓廣。畧燕地。自立爲燕王。武臣計之。反爲所獲。
張耳陳餘使人請之。報爲所殺。有厠養卒說曰。君知張耳陳餘
何如人也。曰。賢人也。曰。知其志何欲。曰。欲得其主耳。曰。君未知

其所欲也。彼以少長先立武臣。今此兩人實欲分趙而王。名爲求王。意欲殺之以自立。夫以一起尚易。燕况以兩賢王左提右挈而責殺王之罪。破燕必矣。燕懼乃歸趙王。養卒爲御而歸。曹操與楊修至江南。道經曹娥碑。見背有八字曰黃絹幼婦外孫。薤白操不解。問修知否。答云知之。操曰姑且勿言。待孤思之。行三十里忽悟。乃令修解之。答曰黃絹色絲也。幼婦少女也。外孫乃女之子。薤白受五辛之器。是隱絕妙好辭四字。操大驚曰。一如孤意。有智無智。校三十里。

○以爭遲速已差多少○

魏文帝與曹植異母兄弟也。忌植才名。欲中以法。乃令七步作詩。不成治之。植應聲云。煮豆燃豆其豆在釜中泣。本是同根生。

相煎何太急。不覺感泣。遂釋之。

劉婆惜通文墨。滑稽善舞。迥出恒流。時貴多重之時。有全普菴
撥里字子仁。爲贛州監郡。文章政事。別歷臺省。但未免耽於花
酒。公餘。卽與士夫酣歌賦詩。帽上常喜簪花。一日劉之廣海。過
贛。進謁。全時賓朋滿座。頭戴青梅一枝。行酒口占清江引曲云。
青青子兒枝上結。令席客續之。衆未及對。劉斂衽進曰。能容妾
措詞乎。全曰。甚妙。應聲曰。青青子兒枝上結。引惹人攀折。其中
全子仁就裏滋味。別只爲你心酸。留意兒難棄。捨全大稱賞。遂
納爲側室。後兵興。子仁死。節劉克守婦道。善終於家。

上官桀以霍光不納其孫女入宮。惡之。乃詐爲燕王上書。誣光

罪光入免冠頓首謝上曰將軍冠朕知是書詐也將軍調校尉
未十日燕王何以知之且將軍爲非不須校尉時昭帝年甫十
四左右皆驚俄而上書者果亡去

庾亮以南頓王宗與蘇峻善殺之而帝不知也時成帝尚幼一
日問曰白頭公何在亮對以謀反伏誅帝泣下曰舅言人作賊
便殺之人言舅作賊將如何亮懼變色

鍾繇子毓與會小時值父晝寢共偷服藥酒父時已覺託寐寤
視毓拜而飲會獨不拜既問何以有拜有不拜毓曰酒以成禮
不敢不拜會曰偷本非禮何以拜爲及年至十二三各有令譽
魏文帝召見毓面汗流會却無汗帝問其故毓曰悚悚惶惶汗

出如漿會曰戰戰慄慄汗不敢出上大奇之

鄧艾口喫語必稱艾艾晉文帝戲之曰卿云艾艾定是幾艾對曰鳳兮鳳兮固是一鳳上大稱妙

晉時有小兒父病乞藥於醫醫問何疾曰患瘧也醫者曰吾聞君子不病瘧尊人明德長者何以病此答曰來病君子所以爲瘧耳

楊修九歲聰慧過人孔君平坦常詣其父父不在呼兒出迎菓設楊梅指戲曰此是君家菓修應聲曰未聞孔雀是夫子家禽也

謝仁祖尚年八歲父鯉宴客時尚語已神悟自桑上瀝諸人美

曰此少年實一座之顏。尚日座中無仲尼。安得有顏回。
東坡與小妹黃山谷論詩。妹云輕風細柳澹月梅花。中要加一
字作腰。成五言聯句。坡云輕風搖細柳。澹月映梅花。妹云佳矣。
未也。黃云輕風舞細柳。澹月隱梅花。妹云佳矣。猶未也。坡曰然
則妹將何說。云輕風扶細柳。澹月失梅花。二人撫掌稱善。

謝太傅寒日內集。與諸兒女講論文義。俄而雪驟。公曰白雪紛
紛何所似。兄據子朗曰撒鹽空中差可擬。兄奕女道韞曰未若
柳絮因風起。公大喜。稱善。道韞即王右軍次子凝之妻也。時名女學士。

孫興公作天台賦。成以示范啓云。卿試擲地可作金石聲。啓曰
子之金石非宮商中音也。然每閱至佳處。輒嘆云應是我輩語。

桓溫命袁宏作北征賦既成與時賢共賞咸嘆美之時王珣在坐云佳則佳矣惜少一句得寫字足韻更妙宏卽攬筆益云感不絕於余心訴風流而獨寫桓大喜曰當今不得不以此事推附賦云聞所聞於相傳云獲麟於此野誕靈物以瑞德矣授袁體於虞者悲尼父之慟泣似實慟而非假豈一物之足傷實致傷於天下

楊德祖修爲魏武主簿時作相國門始立檼桷王出看題一活字於門便去修急令改之人問故答曰活在門內嫌其闊也或餉酪漿一甌王噉少許寫一合字於蓋上以付楊修修卽令人分食之衆不解修曰一人吃一口也

趙氏嫁女臨去勑曰慎毋爲善女曰不爲善將爲惡乎

日非也。○有心爲好。○則人必忌之。○善尚不可爲。○况其惡耶。

張蒼梧是惡之祖。○嘗謂惡父曰。○我不如汝。○其父未解。○所以蒼梧

曰。○汝有佳兒。○惡年未數歲。○斂手向前曰。○阿翁詎宜以子戲父。

王緒數譏殷荊州。○於王國寶殷惡之。○求術於王東亭曰。○卿但時

請王緒往。○輒屏人。○因論他事。○如此。○則二人之好離矣。○殷從之。○國

寶見緒。○問曰。○比與仲堪屏人。○何所道。○緒云。○故事常往來。○無他所

論。○國寶以爲隱已。○情好遂疎。○譏言以息。

王導見晉明帝。○帝問前世所以得天下之由。○導爲具叙宣王創

業之始。○誅夷名族。○龍樹同已。○及文王之末。○直至高貴鄉公之事。

帝聞之。○覆面著牀。○曰。○若如公言。○祚安得長。

楊玠聰敏善記娶崔季讓女崔富圖籍縹緗滿架玠遊其舍覽
記殆盡乃戲呼曰崔氏藏書俱爲人盜盡矣崔急檢視一無所
遺玠笑捫其腹曰是予藏之經笥中耳崔不信及爲稽考果皆
熟識

劉裕伐秦以劉穆之爲左僕射穆之內總朝政外供軍旅決斷
如流目覽詞訟手答書箋耳行聽受口答應酬五官並用悉皆
瞻卬

徐稭年九歲嘗月下戲耍或語之曰若令月中無物不更明耶
答曰不然譬如人眼中有童子無此必不明

孔融年十歲隨父至洛時李膺有盛名詣門者非備才清稱不

得通孔到門。謂守者曰。我與李公通家子也。旣通前座元禮。問君與僕何舊。對曰。先君仲尼與先人伯陽同德比義而相師友。則融與公累世通家也。李大奇之。適陳韙至。人以其語告之。陳曰。小時了了。長大未必能爾。孔應聲曰。想君小時必當了了。韙大慚。

戴大賓八歲遊庠。十三登賢書。有貴公來謁其父。見大賓戲於庭。尚是嬰稚。以爲業童子藝也。戲出對曰。月圓答曰。風扇問風如何。扇曰。側縫皆入。不扇何能。又曰。鳳鳴答云。牛舞問牛何嘗舞。曰。虞廷百獸率舞。牛獨不在其中。耶貴公大驚。及詢之。卽大賓也。

李任爲浙東僉憲路遇數童從社學歸中一生拋弄書囊爲戲見其秀異召至前出對曰童子六七人無如爾狡應曰太守二千石莫若公其末一字不言且請賞許之曰莫若公廉楊詰之曰設不賞云何笑曰貪耳楊大稱賞

孫放幼秀異

盛

與庾固客

子翼

同爲學生客亦少有佳稱因嘲放

曰孫安國何在答曰庾穉恭家復笑曰諸孫大盛乃有兒如此放曰宋若諸庾之翼翼及還語人曰我固勝之得重喚其父名宋韓魏公琦宴客觀一營妓髻插杏花簪容甚麗戲吟曰髻上杏花真有幸妓應聲曰枝頭梅子豈無媒公喜其敏黠有韻席散命一老兵往喚已而悔之疾呼老兵老兵尚在公問何爲未

去答日度相公必悔故未敢違去

明○文○皇○與○學○士○解○縉○同○登○江○寧○方○橋○問○縉○當○作○何○好○語○對○曰○此○
謂○一○步○高○似○一○步○及○下○橋○又○問○今○將○何○說○對○曰○此○謂○後○面○高○於○
前○面○上○點○頭○特○太○子○久○留○南○京○一○日○承○制○題○虎○頭○象○彪○圖○曰○虎○
爲○百○獸○尊○誰○敢○觸○其○怒○惟○有○父○子○情○一○步○一○回○顧○上○見○詩○有○感○
卽命迎入宮中

宋○文○帝○釣○天○泉○池○垂○綸○不○獲○意○殊○不○快○王○景○文○曰○良○繇○垂○綸○清○
莫○不○獲○貪○餌○耳○上○悅○

明○嘉○靖○初○世○宗○多○忌○諱○科○場○出○題○務○擇○佳○句○主○司○因○用○無○爲○而○
治○一○節○及○我○非○堯○舜○之○道○二○句○疑○謂○無○爲○非○有○爲○我○非○堯○舜○四○

字似屬謗訕。皆被譴。一日經筵講官顧鼎臣講成丘蒙章。至放
勳。頹落語。侍臣皆驚。顧失色。徐曰。竟是時已百有二十歲矣。上
有喜容。衆心始安。

唐張說方用事。女嫁盧氏。嘗爲其舅求官。說不語。但指指牀。進
示之。女亦不復再言。歸告其夫曰。舅得詹事矣。已而果然。

唐時湖州守方餞客。或以木瓜獻。所未易有也。傳以相視。適一
中使在座。卽袖之去。曰。禁中未嘗有宜以上進。頃之解舟而去。
守懼得罪。便欲撤飲。時有官妓作酒。糾立白守云。請自盡。飲。妾
度此瓜一經宿。必委中流也。守問何說。曰。此物芳脆。初因遮觀。
手搯必損。何能久待人獻乎。會送使還云。果漬爛棄之矣。守喜。

召妓賞之

秦王欲侮齊。襲使人送一玉連環。曰。齊人多智能解之乎。君臣無策。君王后聞之。卽出取椎擊碎之。謂使者云。歸謝秦君。已解之矣。

有黠童子者。西鄰有好李。方熟。其家苦窺。闔者乃設穽。牆下置糞於其中。一日偶偕二豎子同往竊之。踰垣而入。誤陷穽中。穽及衣領。顧仰首呼曰。急來。此有佳李。一子復墜。方欲發口。遽掩其唇。連喚來來不已。俄一子又墜。因相與詬病。黠者笑曰。我三人旣同來。此假令有一不墜。污中恐其笑我。終無已時也。

宋韓侂胄逐趙汝愚至死。太學生敖陶孫賦詩於三元樓壁。弔

之方縱筆已飲未一二杯壁已昇去教知必爲韓所廉丞更衣持酒具下樓正逢捕者疾滄而入問教上舍在否應曰正在酣飲亟亡命走閩及韓敗乃出應試遂登第一

唐太宗有疾謂太子曰李世勣才智有餘然與汝無恩我今黜之若其卽行用爲僕射如徘徊顧望當殺之耳乃以爲益州都督世勣預知其意甫受命不至家而去

明嘉靖中維亭有張小舍者克捕役善察盜偶行市上見一人衣冠甚整遇荷草者將將數莖以如廁張俟其出從後叱之其人惶懼又嘗暑月遊古寺有三四輩席地舂睡傍有西瓜劈開未食張亦指爲盜而擒之或叩其故答曰如廁用草此無賴小

人事其衣冠必盜來者古廟羣睡夜勞而晝寢勞西瓜以辟蛇也時爲之語曰天不怕地不怕只怕維亭張小舍後遇一瞽乞於塗疑而迹之見其踣溝而過遂擒之果盜魁其瞽則僞也請以重賂免期某日送至家過期不至後遇之責以渝約盜曰已輸於臥牀之左足但夜分不敢驚寢耳張猶未信曰以何爲徵盜卽述是夜夫婦私語張始大駭歸視牀足果有物焉驗之如所許數兼得一利刃於旁因竦然曰危乎哉性命真懸於呼吸也自是察盜頗疎遂得令終

晉武帝登祚探策得一凡王者世數視此多少王不悅羣臣皆失色侍中裴楷進曰天得一以清地得一以寧帝王得一以爲

天下貞帝大喜

張玄年八歲，虧齒先達見其不常，故戲之曰：「君口中何爲開狗竇？」玄應聲曰：「正好使公輩從此中出入耳。」聞者歎絕。

永安王浚八歲，謂博士盧景裕曰：「祭神如神在，謂有神耶？無神耶？」景裕曰：「有諸？」浚曰：「若果有之，當云祭神神在，何煩如字？」盧不能答。

王右軍十歲，大將軍敦甚愛之，恒置帳中臥。敦先出，右軍未起，須臾錢鳳入，與敦屏人論事，都忘右軍在帳，便言逆謀。右軍覺，因聞所談，知無活理，乃嘔吐污穢，詐作熟睡。敦語甫半，方意及右軍，大驚曰：「不得不除之。」急開帳見其縱橫狼藉，信爲真睡，於

是獲全

宋王有疾夢河中水乾謂君乃龍象無水則死恐不能活矣
之宰輔對曰河無水是可字陛下之疾其痊可矣王悅果即愈
馬亮知江陵任滿當代夢舌上生毛甚不解適一僧至語之賀
曰相公當再任矣馬問何說曰舌上毛刺不得已而果然
黃巢與李存孝索戰夢騎兩尾牛醒以語衆一卒曰牛生二尾
是一失字不可輕出不聽果敗

宋岳武穆在襄州與金戰大勝於朱仙鎮忽夢二犬對談殊以
爲疑白於一僧僧曰二犬加言乃是獄字避之乃吉不然恐有
縲紲之禍未幾果爲秦檜所陷

楚令狐策夢立冰上與冰下人語令索統占之曰是爲陽語陰
將爲人作媒介冰泮婚成會太守田豹求張公徵女使策執柯
果仲春而姻聯

齊王夫人死有七孺人皆近幸薛公欲知王之所最愛乃爲七
珥以獻而中美其一明日視美珥在誰遂勸王立爲夫人

趙王李德誠鎮江西有相者自言世人貴賤一見輒分王欲驗
之乃使女奴數人與妻滕國君同梳洗服飾共立於庭中請辨
良賤客俯盼而進曰國君頭上有黃雲羣婢不覺皆仰視相者
送指所視者爲國君

晉康與呂安善每一相思千里命駕一日安來值康不在子喜

出迎不肯入。題一鳳字於門而去。喜不覺猶疑以鳳待已。殊以爲欣康歸。始知其意。謂是凡鳥也。

湖州趙三與周生友善。約往南都貿易。趙妻孫氏不欲夫行。已隔數日。及期黎明。趙先登舟。因大蚤假寐。舟中舟子張潮利其金。潛移僻所。沉趙。復詐爲熟睡。周至。謂趙未來。候之良久。呼潮往促。潮叩趙門。叫三娘子。三官人何久不來。孫驚曰。彼出門已久。豈尚未登舟耶。潮還復周。甚疑異。乃與孫分路徧尋。三日無踪。周懼累其牘。呈縣。縣尹拘鄰舍詰詢。疑孫有他故。害夫。遂誣實其罪。久之。有楊評事者閱其牘。曰。叩門便叫三娘子。定知房內已無夫。乃拘潮嚴究。竟服罪。

秦符融爲司隸校尉京兆人董豐遊學三年而返夜宿妻家是
夜妻爲賊殺妻兄疑豐殺之執送有司不堪受楚誅引其狀融
疑察之問曰汝行往返頗有怪異及卜筮否對曰將發時夜夢
乘馬南渡反而北渡復自北而南馬停水中鞭策不去俯視見
兩日在水下馬左白而溼右黑而燥竊而心悸以爲不祥問之
此夢是咎咎我亦不解
策者云憂訟獄遠三沐避授枕既歸妻果爲具沐夜授以枕豐
記卜言皆不從妻怒遂自浴倚枕而臥不知何故被殺融曰吾
知之矣易坎爲水馬爲離乘馬南渡旋北而南者從坎之離三
爻變動變而爲離離爲中女坎爲中男二夫之象馬左溼濕水
也左水右馬乃馮字二日在下乃昌字殺汝妻者其馮昌乎於

是推究果獲馮昌詰之具服日本與伊妻有姦欲謀殺豐期以
新沐及枕爲記不意豐不從婦乃自沐倚枕以致誤傷遂坐以
因姦致死之律人驚爲神

唐王勃多才思每屬文輒先磨墨數升酣飲盡醉引被覆臥及
寤援筆立成時號腹藁

曹操西征得隴西進兵漢中劉備拒守甚嚴操意欲還適庖人
進雞湯操視之連呼雞肋宣令官乃遍傳各營楊修便令束裝
人問何故曰雞肋食之無肉棄之有味丞相殆將歸矣已而果
然

李敬業起兵討武后移檄州郡其畧曰偽臨朝武氏者包藏禍

心○窺○竊○神○器○君○之○愛○子○幽○之○別○宮○賊○之○宗○盟○委○以○重○器○又○曰○一○
坏○之○土○未○乾○六○尺○之○孤○安○在○試○觀○今○日○之○城○中○竟○是○誰○家○之○天○
下○后○見○檄○詞○問○誰○所○爲○或○對○曰○駱○賓○王○后○曰○噫○宰○相○之○過○也○有○
才○如○此○而○使○之○淪○落○不○偶○乎○

孔○融○以○犯○酒○禁○被○收○中○外○惶○怖○時○融○兒○大○者○九○歲○小○者○八○歲○二○
兒○端○坐○奕○棋○了○無○遽○容○融○謂○使○者○曰○真○罪○止○於○身○兩○兒○可○得○全○
否○兒○徐○進○曰○大○人○何○用○營○心○幾○見○覆○巢○之○下○復○有○完○卵○乎○尋○果○
收○亦○至○

齊○桓○公○伐○山○戎○道○孤○竹○園○前○阻○水○淺○深○不○可○測○夜○黑○迷○失○路○士○
衆○惶○惑○管○仲○曰○吾○聞○老○馬○善○識○途○可○使○以○問○路○乃○放○馬○於○前○面○

衆後隨之果得道遂越淺而渡

明姑蘇相城人姚廣孝初爲僧有異術嘗請於燕王曰殿下用臣當送一白帽子與大王戴後之燕求爲伴一日侍宴天寒甚王出對云天寒地凍水無一點不成冰姚應聲曰國亂民愁王不出頭誰是主及靖難兵起令擇日至期風雨大作王不悅姚曰殿下是箇龍正要如此方助得勢頭起忽風吹一瓦碎之衆皆以爲不利姚曰是天欲殺下易黃瓦耳王大稱善衆心亦安明進士楊循吉爲人聰刺甚有才名鄰居有一鐵匠得財暴發里中爲之慶號因請於楊楊題云西齋人咸不解或問何出答曰橫看像箇風箱豎看似箇鐵墩聞者絕倒

弘治十一年京師西直門有熊突入馬文升謂野獸來禁城請嚴備不虞兵部郎中何孟春謂同列曰熊之爲兆不在備盜切宜慎火人莫曉其意未幾禮部燬禁中亦火焚乾清宮或問倣古出何書答曰予不曉古書曾記宋紹興永嘉災前數日有熊至城下州守高世則曰熊於字爲能火郡中須謹火燭果燒官舍民房十有七八余憶此事而云爾不意其竟驗乎聞者大服宋張詠有詩名有云獨恨太平無一事江南閒殺老尚書蕭楚材曰太平無事而君反恨之可乎宜改幸字詠大稱善曰予吾一字師也

漢蔡邕女瑛年六歲邕夜彈琴忽絕一絃瑛曰得琴斷第四絃

乎。邕曰：然汝特偶中耳。琰曰：季札觀風，識四國興衰，師曠聞律，知南風不競，由是言之，何云偶中？邕甚嘆服。

古例七月七日，謂乞巧佳期。人家悉出書文，曬之，欲得秀氣。郝隆年七歲，乃出，口中仰臥。或問其故，曰：我曬腹中書耳。

唐李泌七歲，便知文。玄宗以神童召見，上方與張說、閻若璣因以方員動靜試之。泌曰：願聞其畧。說曰：方若枰圓，若子動若生，靜若死。泌應曰：方若行義圓，若用智動若逞機，靜若得意上大異之。

王獻之年數歲，觀門生輩搏蒲，嘆曰：南風不競，門生日：此郎亦管中窺豹，特見一斑耳。獻之大怒，拂袖而去。

唐張九齡七歲能文太宗時爲中書令一時爲詞臣之冠世號
文場元帥李嶠幼富才思八歲爲鳳閣舍人文冊號令多出其
手前與王勃接跡中與崔融蘇味道齊名人號文章宿老
唐李賀工詩每旦出乘駿騎從小奚背一古錦囊遇所得佳句
卽內入囊中母見之曰是兒必至嘔出心肝乃已

袁太冲七歲與羣兒戲自稱小相公彭魯溪異之出對云願爲
小相袁應聲云竊比老彭

晉王戎七歲與諸兒遊道旁李樹子幾折枝羣兒競取戎獨不
動人問之答云樹在道旁而多子必苦李也否則無剩餘矣驗
之果然

郭希賢幼時與一長者浴於池，偶見龜浮水面，云龜浮水上，分
開綠郭卽應云：雀立松梢，照破青長者奇之，妻以女。
吳諸葛瑾面長似驪，孫權大會賓客，使人牽一驪來，題其面曰
諸葛子瑜。瑾子恪年方數歲，亦在座，見之，請筆題繪二字，權許
之，遂書之。驪二字權驚異，遂以驪賜之。

貴谿周一經甫六歲，從父人郡，晨旭方升，顧謂曰：東方日出，天
開眼，蜀對之答曰：西嶽山高，地出頭。父大異之，後成進士。

明王文恪公鑒六歲，附學於舅氏，適一婢送茶至，戲握其手，舅
知之，出對云：奴手爲拳，此後莫拳奴手。卽答云：人言爲信，從今
勿信人言。

劉晏八歲以神童爲秘書正字。玄宗召入樓中，楊貴妃抱置膝上，爲之巾櫛，施粉黛。上曰：「汝爲正字，正得幾字？」對曰：「餘字皆正，惟一『勿』字未正。」上默然爲之動容。

明永樂十一年五月五日，成祖幸東苑觀擊毬射柳。羣臣及軍民聚觀，自皇太孫而下，以次擊射。太孫連發皆中。上喜曰：「今日臣民畢集，朕有一言，爾等對之。」萬方玉帛風雲會，太孫叩叩首應曰：「一統山河，日月野羣臣，款款盡歡而散。」

高則成六七歲，穎異不凡。鄰有尚書某，緋袍送客，方在打躬。高適塾歸時，衣綠衫，呼語曰：「出水蛙兒穿綠襖，美目盼兮高應聲。」日落湯蝦子，着紅衫，鞠躬如也。尚書大驚。

明于肅愍公謙幼時母梳爲雙角就鄉校僧人蘭古春見之戲
曰牛頭喜得生龍角于應曰狗口何曾出象牙僧已異之公回
語母曰今不可梳雙髻矣乃束髮爲三角古春又遇復戲云三
角如鼓梁公笑云一禿似雷樵古春大駭謂其師曰此兒長成
必救時之相也

解學士縉幼聰慧太祖以神童召見出對云虎皮褥蓋學士椅
答曰兔毫筆寫狀元坊後爲學士侍文皇嘗謂曰有一書句甚
難其對曰色難解卽應曰容易文皇不省曰旣云易矣何久不
爲解答曰臣適已對矣上始悟不覺大笑

明程敏政號敦篋以神童至京大學士李賢妻以女因留款指

席間某曰因何荷而得偶藕程卽應云有幸杏不須媒梅李大稱賞

許衡性聰慧讀書過目不忘六七歲時受學於蒙師問曰讀書欲何爲師曰應舉取第耳曰如此而已乎師太奇之謂其父曰此兒他日必有大過人者吾非其師也及長果爲一代名儒

雒山邢太史六歲在蒙館偶一工部主事避雨入塾指邢曰小學生穿紅着綠內家裝外家裝應云老大人衣紫腰金素富貴行富貴因語其師曰此非凡兒也

李東陽早負奇氣六歲時與程敏政並以神童受純皇帝召見至宮門限高不能度上笑曰書生脚短李卽云天子門高及賜

宴御羞有蟹上指曰螃蟹渾身鱗甲程應聲云鳳凰過體文章
李徐對曰蜘蛛滿腹經綸上顧侍臣曰他日一箇是宰相一箇
是翰林後果如其言

陳了翁日與家人會食男女各爲一席食已必舉話頭令家人
叅答一日問曰古人並坐不橫肱何說也其孫女方七歲對曰
恐妨同坐者

潮陽蘇福年八歲賦新月詩云氣朔盈虧又一初姮娥底事半
分無却於無處分明有恰似先天太極圖

周敦頤嘗爲分寧主簿縣有獄久不決敦頤至一訊立辨邑人
驚曰老吏不如也通判程珌以其學爲知道使二子頤頤受業

嘗歎曰自見茂叔後吟風弄月以歸有吾與點也之意侯師聖學於願未悟因見敦頤留與對榻夜談越三日乃還伊川驚異曰非從周茂叔來耶世號濂溪先生

陸九齡累世同居閨門之內肅若朝廷與兄九淵爲師友世稱爲二陸九淵方三四歲問父資曰天地何所窮際父笑而不答他日讀書至四方上下曰宇往古來今日宙忽悟曰宇宙內事乃已分內事也學者號象山先生

晉明帝數歲坐元帝膝上有人從長安來問曰汝意長安何如日遠近答曰日遠長安近但見人從長安來不聞人從日邊來帝異之明日宴羣臣告以此語乃更問之答曰日近長安遠帝

失色曰爾何異向者之言耶答曰舉頭見日不見長安衆空言之

司空頤和與時賢共清談張玄之頤愷是中外孫年並七歲在牀邊戲於閒語時神情都不相屬向暝於燈下見二兒共敘主客之禮畧無遺失和喜乃越席提其耳曰不意衰宗復生此寶吳呂蒙不學孫權勸之讀書後魯肅遇之大驚曰卿非復吳下阿蒙矣蒙曰公何小覷人耶士三日不見卽當刮目相待

弘治爲東宮時每出講必使左右迎請講官命坐陳說及畢則語云先生吃茶局丞張璠以爲太過東宮曰尊師重禮當如此

成化末四川人鄒智生而穎敏年十二能文章遊泮宮居龍泉菴掃樹葉聚焚以照讀書丙午領鄉元郡人聚觀乃於馬上口占云龍泉菴內苦書生偶竊三巴第一名世上許多難了事郡人何用太相驚

尚書吳洪爲南京刑部郎中時其子山隨父之任年方十二偶同羣兒出遊過操江毛珵衙門值珵出儀從整肅羣兒驚散山獨不動珵見訶問曰何物小兒敢爾唐突官長我出對與汝能對則已否當懲戒汝因指壁上所画麒麟曰解牙當門昭法臺之體統山應聲曰鳳凰出世顯奕代之文明珵大奇之卽以女許字焉山後舉進士官亦至尚書

新鄉縣人王敬成邊留犍牛六頭於舅李進家五年還產犍三十索之進云兩頭已死只還老牛四頭餘悉坑之敬忿呈官裴子雲令送敬赴獄叫追盜牛賊李進來進至叱曰賊引汝同盜牛三十頭藏於汝家喚賊共對乃以布衫蒙敬首跪南牆下進惶怖吐欵云三十頭總是外孫犍牛所生實非盜得因令去布衫進見曰此卽外甥也雲曰若是應悉還他但念牧養五年應分數頭與之合縣大服

晉王敦反夢一木撐天求解於許眞君遜遜曰木上加一乃是未字只宜守舊不可妄動動則必覆不聽果至危敗

侯白好譁諱一日楊素與牛弘退朝白戲之曰日之夕矣素笑

日爾謂我等爲牛羊

卷之八

一集謠詐

遇不嫌詭術不厭巧微乎其微渺乎其渺智日以深姦日以
老英雄欺人厥惟斯道集謠詐

宋狄青宣撫廣西敵將儂智高守崑崙關青至賓州值上元令
節乃大張燈火首夜宴從軍樂飲徹曉全無戰備次夜復宴如
之至第三夜飲至二鼓時忽稱疾作暫起如內使副元帥孫元
規代主席云少飲藥便出仍數使人勸勞坐客暢飲達旦未退
忽有馳騎來報甫三鼓衛將軍親率精銳已奪却崑崙矣衆大
駭稱爲神異

王艾度弟度之小字阿智惡乃不翅年長無婚孫綽有女亦憐
錯無婚嫁理因詣王求見阿智一見便言此兒亦可殊不如人
所傳何爲至今未婚我女頗不惡欲與姻但恐寒士不宜與卿
計艾度欣然啓藍田父聞驚喜旣成女之頑臨反過阿智人乃
知與公之詐

燕破齊盡有其地獨莒卽墨未下樂毅圍之莒人曰安平之戰
田單以鐵籠得全因立爲將以拒燕適燕昭死惠王立單繼反
間曰殺與新王有隙畏誅不敢歸假以伐齊爲名齊人恐他將
來卽墨殘矣惠王乃使騎劫代毅毅奔趙單暗令城中人食必
祭祖先於庭飛鳥皆翔舞而下因宣言曰當有神師下教遂舉

一卒師之每事輒拜於是牧牛千餘頭束兵刃於角而灌脂束
葦於尾鑿城數十穴夜燒其端而縱之牛熟怒犇燕人觸之盡
死大潰敗殺騎劫一夕齊七十餘城皆復焉

秦趙高欲專權恐人議之乃先設驗特鹿以獻曰此馬也二世
笑曰丞相悞耶指鹿爲馬問左右或默或言鹿陰中言者以法
嗣是人莫敢言其非

曹操出征偶失汲道軍渴甚乃遙指曰前有大梅林一株甘酸
可以解渴急往取之士卒聞言口皆水出乘此得及前源

宋米元章有潔癖周仁軌性巧詐與之交契一日帝言得一古
硯非世間所有殆天地秘藏周詭曰公雖名博識然所得之物

或真贋各半特善許耳曷借觀之帝喜發笥檢取周隨取水滌
手以巾拭者再若敬觀狀及出視稱賞不已且云誠爲尤物但
未知發墨如何命取水試之急未至周卽唾涎磨之帝變色曰
一何先恭後倨硯已汚矣永不可用乃擲棄焉他日再往遂袖
之而歸

楚使至漢陳平爲太宰具進見使佯驚曰吾以爲亞夫使耳乃
頃王使急令持去更以惡草進使歸報羽果疑亞夫

漢公孫弘爲相止用布被汲黯指言其詐武帝問之弘曰以三
公爲布被誠飾詐以釣名但無汲黯忠陛下安得聞此語上謂
其謙讓遇之益厚

陳羣勸操正大位。操曰：「若天命在我，我其爲周文王矣。」及病革，遺令分香賣履，絕無一語及禪代事。且語衆曰：「孤始於譙東築精舍，欲春夏讀書，秋冬射獵，待天下清平，方乃出仕。及被徵立功，亦不過欲題墓道曰：『漢故將軍曹某之墓足矣。』孰意爲國討賊，身爲宰相，位極人臣，意識過望，設朝廷無孤，不知幾人稱帝。幾人稱王。或見孤強盛，言有篡逆之意，每用耿耿然欲孤便爾委捐軍衆，竊恐已離兵柄，爲人所禍。此身一敗，則國家亦至傾危。是以不敢慕虛名而受實禍也。」

檀道濟伐魏，戰多捷，食盡，引還。人以告魏，追之道濟夜分，乃唱籌量沙以所餘米覆其上。及旦，追者見之以爲資糧有餘，不

敢○迫○全○軍○而○還○後○有○詔○見○收○目○光○如○炬○脫○幘○投○地○曰○乃○壞○汝○萬○里○長○城○魏○人○聞○之○喜○曰○道○濟○死○吳○子○輩○不○足○懼○
李○義○府○殺○險○忌○刺○與○人○言○必○微○笑○人○謂○其○笑○中○有○刀○又○以○其○柔○能○害○物○稱○之○爲○李○猫○

宋○忠○江○南○都○留○守○林○仁○肇○威○名○賂○其○侍○者○竊○取○画○像○懸○之○別○室○
值○江○南○使○來○引○觀○之○問○何○人○曰○林○仁○肇○也○曰○彼○將○來○降○先○持○此○爲○信○使○歸○自○李○煜○不○知○其○間○遂○鳩○殺○之○

范○宗○尹○既○去○秦○檜○揚○言○曰○我○有○二○策○可○以○聲○動○天○下○奈○無○相○位○不○可○行○也○語○聞○高○宗○信○爲○然○遂○以○爲○尚○書○右○僕○射○

元○昊○寇○渭○州○韓○琦○遣○裨○將○任○繼○禦○之○達○琦○節○制○初○與○敵○遇○佯○敗○

福引騎追之陷其伏中知墮其計遂前格戰得數銀合於道旁
封襲謹密發之乃懸哨家餉百餘傷一飛起夏陣中忽樹旗四
面兵起福戰死琦亦被貶

虞詡爲武都守羌寇率衆數千遮於陳倉詡停不進宣言上書
請兵須到乃發羌聞之分抄旁縣詡因其兵散日夜進道兼行
百餘里令軍士各作兩竈日倍增之羌疑不敢逼或問之答曰
敵衆我寡徐行則易爲所及見竈日增必謂郡兵來迎孫臏示
弱今我示強勢不同也旣到郡兵不滿三千羌衆萬餘攻圍赤
亭詡令軍中強弩勿發而潛發弱弩羌謂矢弱不足畏并兵急
攻乃使二十強弩合力共射發無不中中無不倒羌始震退復

出城奮擊多所殺傷明日悉陳其衆令從東門出北門入西門
出南門入貿易衣甲回轉數週羌不知其故更相恐怖謂計賊
當退潛遣五百人間道設伏候其走路羌果奔還因掩擊大破
之竟不知兵從何來亦不知其多少羌大畏服永不復犯

○言○祖○遜○將○韓○滔○與○後○趙○將○曹○豹○分○據○東○川○相○持○四○旬○軍○士○乏○食○
○遜○以○布○囊○盛○土○使○千○餘○人○運○饋○潛○又○使○數○人○擔○米○息○於○道○左○豹○
○兵○遂○之○卽○棄○而○走○豹○亦○苦○飢○謂○遜○軍○曹○飽○大○懼○宵○遁○

○初○張○顥○與○徐○溫○謀○弑○節○度○楊○渥○溫○曰○叅○用○左○右○牙○兵○必○不○一○心○
○不○若○獨○用○我○兵○張○不○可○溫○曰○然○則○獨○用○公○兵○顥○喜○從○之○後○窮○治○
○逆○黨○皆○左○牙○兵○人○以○溫○不○知○謀○竟○免○於○禍○

或言蕭道成有異相宋主疑之徵爲黃門侍郎道成無計得還
荀伯玉教其遣騎入魏境魏果遣遊騎分行境上宋主懼卽遣
道成還本境備之

明劉瓛欲專權乃構襍藝於武廟前候其翫弄則多取各司奏
章呈請裁決上曰我用爾何爲不代爲理之乃一一煩朕耶宜
亟去如此者再後事無大小惟意出入不復爲奏

東海孝子郭純母死每哭則羣鳥咸集有司以爲孝思所感故
舉得實旌表其門或異之私察其所由乃是每哭則撒米於地
飛鳥見之爭來就食數數如此所以一聞哭聲莫不競湊

明方士藍道行以乩術得幸於上世廟有所問密封使中官至

壇中焚之不能答則咎中官污穢不能格真仙後中官竟以密
封授之使自焚道行乃爲僞封付火而匿其真跡私啓視所答
具如旨上益以爲神信之愈甚後嚴嵩用事因假神仙之說謀
去之廷臣咸賴其力焉

漢桓帝時宦官張讓權傾中外有監奴主家扶風富人孟陀傾
囊相結奴甚德之問何所欲陀曰無他惟願汝曹爲我一拜耳
時公卿謁讓者車馬填門陀一日詣讓壅不得行奴望見爲率
諸奴拜迎於路共輦而入衆大驚咸謂讓厚陀爭先納款旬日
積貲巨萬

程厚子山素與秦檜善爲中舍時一日邀至府第內閣一室蕭

然獨案上有紫綾線一冊寫聖人以日星爲紀賦文彩
無所事因兀坐靜觀反覆成誦而酒肴勞問沓至及晚
出乃退程巨測其意後數日特差知貢舉宣押入院程始大悟
卽命是題此賦果爲擅場遂中首選

宋神宗時王安石子雱爲人性敏未冠舉進士卿睨一世不肯
作小官乃與父謀曰執政事雖不可預而經筵可處安石欲假
上自用乃刻雱策論達於帝前又諷楊紱曾布薦之遂召爲崇
政殿說書

安祿山外若癡直內實狡黠腹垂過膝明皇戲指曰此腹中何
所有其人乃爾對曰惟有赤心耳每出入禁中因請爲貴妃兒

上嘗與妃共坐祿山人先拜妃上問何故曰北人先母而後父上悅

魏王操嘗謂近臣云我眠中欲斫人自輒不覺汝輩不可妄近須深慎之一日佯臥顧却其被所幸人竊覆之即起斫殺仍復還睡自是每寢人不敢近

秦檜爲相日都堂左廡前有石榴一株每著實乃默記幾枚一日偶亡其二佯爲不知將排馬忽顧左右取斧伐去之有親吏在傍倉卒告曰其實甚佳斫之可惜檜笑曰盜食吾榴乃是汝耶吏大驚服罪自此下人罔敢作弊

宋太宗初卽位微行過街市遇一丐者登一富民之門乞錢未

滿言罵不休。觀者靡不忿忿。忽人叢中一軍尉躍出。擲刀而去。勢猛行速。莫敢執問。羅卒以其事聞於有司。以刀爲徵。坐富民罪。旣獻獄。太宗問某服乎。曰事已至此。何云不服。索刀閱之。遂納之室。召有司曰。此吾刀也。向實我殺之。奈何輕易枉人。因罰有司而釋富民。復詔論訊獄無疎濫。

秦太子妃華陽夫人無子。夏姬生子異人。質於趙。趙不之禮。因不得志。陽翟大賈呂不韋適邯鄲。見之。曰此奇貨可居。乃說曰。太子愛華陽君而無子。子之兄弟二十餘人。子又居中不見幸。不得爭立。不韋請以千金爲子西遊。謀立子爲嗣。可乎。異人曰。果如君策。秦國當與君共之。不韋乃厚貲見夫人姊。因以獻於

夫人具譽異人賢孝日夜泣思太子及夫人且使其姊說曰夫
人愛而無子異人賢自知中子不得爲後誠以此時拔之是異
人無國而有國夫人無子而有子也則終身有寵於秦矣夫人
以爲然遂與太子約以爲嗣使不韋還報異人變服逃歸更名
楚不韋乃自娶邯鄲少姬絕美者與居知其有娠故與異人見
之異人爲請不韋陽怒因而進之既而生子政嗣楚立爲秦王
後并六國爲始皇帝不韋遂權傾中外復與夫人通舊好論死
棄市

蕭衍爲雍州刺史謂張宏策曰六貴同朝亂將作矣避禍圖福
無如此州豫州刺史裴叔業遣人客問自安之策謂天下大勢

無復自存之理。不若回向北面。不失作河南公。衙報曰。羣小用事。豈能遠及。若意外相通。當勒馬步二萬。直取橫江。以濟其策。則天下事一舉可定。如欲北向。彼必遣人相代。以河北一州在處。河南公可復得耶。未幾。據州反。

宋將有世賞官王氏任浙西監部。初蒞任。吏民獻錢物。幾數百千。白曰。下馬常例。王公見之。以爲汚已。佯作怒容。便欲具狀。并物申解。上司吏輩畏懼。所請再四。乃令取一櫃。將錢物納其中。對衆封緘。實於廳前。且戒曰。有一小犯二罪。俱發出。是吏民警策。誤息俱備。此終任榮歸。登舟之日。吏白廳櫃奈何。公曰。尋常果有定規。須有文牘。速取驗視。吏齎文案至。公云。既有往例。受

之無害。俾卽昇。憫於舟。載之而去。衆始愕然。

曹爽擅政。司馬懿謀誅之。懼事泄。乃詐稱疾。會河南尹李勝將
罷任。荆州來候懿。乃使兩婢侍立。持衣指口言渴。婢進粥湯。從
懿流涕沾襟。胸臆勝曰。外間傳公痲疾。偶發。何意乃爾。懿微舉
聲。作呻吟狀。問新任何方。勝曰。本州懿故曰。君屈并州。并州近
胡好爲之。倘吾死在旦夕。恐不得相見。雖有二子。皆不肖。願以
相託。勝曰。當泰本州。非并州也。懿復亂其詞曰。君方到并州。勝
復曰。泰荆州也。懿乃曰。年老意荒。不解君語。遂倒身偃臥。勝退。
曹爽曰。司馬公尸居餘氣。形神已離。不足爲慮。爽遂不設備。尋
果爲所殺。

明崇禎末李賊自成流毒四境多購斬黃人爲間或携藥囊著
蔡爲醫卜或談青鳥姑布星家言或爲緇衣黃冠或爲乞丐戲
術或爲肩挑買賣或爲皮鐵襪藝分布江皖諸境說何虛實甚
至癸未會試於路邀截赴京舉子說誘打令爲之黃襪中式以
作內應以故破城之日雲合響應一呼咸集人竟莫測其所從
來

如此作畧竟像有大經濟於胸中者何至一敗墮地乃爾
李元平至汝州募工徒葺理郭郭李希烈陰使勇士數百人應
募執役版築元平不覺希烈乃遣將以精騎突至其城版役內
應遂縛元平而歸

一童子隨主人宦遊從縣索馬甚驚望後一人得駿騎馳而來
乃程顥作泣因問何故答曰此馬奔逸絕塵我年幼懼覆而傷
後來人以為難弱可信且意馬必更佳因與之易童子得馬遂
加策揚鞭而去後人乘馬始悟其欺追之不及

宋高宗時京師忽缺見錢市肆皇皇泰相檜知之一日忽呼一
鐵工櫛髮以五千錢當銀二錢櫛之戒曰此錢有旨數日即不
使可早用去工遂出傳不三日而見錢頓出又值都下貨寒苦
乏見銀府尹以聞檜笑曰易耳即召文思院官未至促者絡繹
奔呼而來論曰適已有旨欲變錢法可鑄樣錢一緡進呈將廢
銀不用矣約畧千事畢院官唯唯而退急命工連夜爲之富家

聞之盡出宿鏹爭買帛貨物價頓昂銀溢於市

魏使龐涓伐韓韓請救於齊齊使田忌爲將孫臏爲帥以救韓
臏直走大梁涓聞之棄韓而歸臏曰三晉之兵素悍勇而輕齊
善戰者因其勢而利導之乃使齊軍入魏地爲十萬竈明日爲
五萬竈又明日爲二萬竈涓大喜曰我固知齊軍怯入吾地三
日亡者已過半矣乃倍道併行逐之臏度其行暮當至馬陵因
斫樹白書曰龐涓死此樹下令萬弩夾道而伏期夜火舉而發
涓至樹下見書果以火燭之萬弩俱發魏師大潰涓自刎乘勝
大破魏軍虜太子申

曹操攻漢中破之有歸意司馬懿進言曰今既克漢中益州震

動○進○兵○臨○之○勢○必○瓦○解○操○曰○人○苦○不○知○足○既○得○隴○復○望○蜀○耶○乃○引○還○

楊○修○爲○曹○操○主○簿○欲○謀○立○曹○植○爲○世○子○不○患○之○以○車○載○廢○簾○綌○吳○質○與○謀○修○走○白○操○不○懼○告○質○質○曰○無○害○明○日○復○以○篋○載○絹○而○入○以○搖○之○修○復○白○操○推○驗○無○人○操○疑○始○釋○由○是○出○入○無○忌○

宋○高○宗○時○秦○檜○用○事○天○下○貢○獻○先○入○其○門○次○及○官○家○王○夫○人○嘗○出○入○禁○中○一○日○獻○仁○太○后○與○言○近○日○子○魚○大○者○絕○少○夫○人○對○曰○妾○家○頗○有○當○以○百○尾○進○歸○告○檜○甚○咎○其○失○言○乃○以○青○魚○百○尾○進○之○以○獻○太○后○撫○掌○笑○曰○我○道○這○婆○子○村○果○然○

丁○謂○鼠○崖○州○家○寓○洛○陽○常○作○家○書○致○洛○守○劉○燁○祈○轉○付○家○因○戒○

使者伺守會僚衆時常堂呈達燁得書不敢隱卽以聞帝啓視
其語多自刻責敘述受國厚恩無由得報戒家人切勿怨望帝
爲之感惻遂得改徙雷州

遺愁集卷之八

○○○一集愁頑

生而○慙○駸○長而○癡○愚○蝦○蟆○不○知○鹿○馬○不○區○常○如○夢○囈○慣○似○醒○
翻○若○彼○頑○皮○名○曰○慙○哥○集○愁○頑○

晉惠帝爲人○慙○駸○常在華林園○聞○蝦○蟆○聲○謂○左○右○曰○鳴○者○爲○官○
乎○爲○私○乎○時○天○下○大○饑○百○姓○餓○死○近○侍○以○告○帝○曰○何○不○食○肉○糜○
唐○宋○遙○苗○晉○卿○主○選○御○史○中○丞○張○倚○得○幸○於○上○擢○其○子○爲○選○首○
安○祿○山○言○於○玄○宗○乃○召○入○面○試○與○手○持○試○卷○終○日○不○成○一○字○時○
人○謂○之○曳○白○

宋明帝奢費無度○府藏空虛○乃私令小黃門於殿內掘地埋錢○

以爲私藏軍國有事不輕動支

周定州刺史孫彥高被賊圍城不敢詣廳視事文符須發者則於窓隙中出入鎖閉宅門不放人行動及賊登城乃身入櫃中戒其奴曰牢掌匙鑰賊來慎勿與

北史庫遜連性愚魯居室常患蠅乃呼守門吏杖之曰汝所司何事乃故放其入來

李文禮性遲緩時爲揚州司馬有吏自京還得長史家書云姊亡文禮倉卒見之便大慟哭吏曰是長史姊也何爲哭之李乃悟曰我固無姊向亦怪道

有李公者人號迂仙嘗山遭酒漢於道觸之見殿但又手臨其

有拳絕不發一言亦不遜避見者奇之爭問何意曰倘或斃
彼自償命我正欲其爾爾○又嘗被酒大醉走經魯叅政宅
當門嘔噦聞人呵之曰何物狂生向人門戶泄瀉迂仙覲視曰
還是汝門不合向我口耳其人不覺失笑曰我家門戶舊矣
今日造對汝口迂仙指其嘴徐徐答曰想老子此口頗亦有年
○又家有一坐絕矮迂仙每坐輒嫌其低必取甌片支其四足
殊以爲煩一日忽思得策呼人移置樓上及就坐低如故因悵
日人言樓高乃浪得名耳遂命毀樓○又久雨屋漏夜數徙其
牀卒無就處妻兒交詬急呼匠修治勞費良苦工甫畢天忽開
霽竟月晴朗迂仙日夕仰屋嗟嘆曰命劣之人好不湊巧纔爾

薛○望○即○便○無○雨○豈○不○乾○折○了○也○

孫○鉦○相○梁○末○帝○唐○莊○宗○兵○入○汴○帝○惶○懼○不○知○所○出○鉦○獻○一○策○曰○
願○得○陛○下○傳○國○璽○馳○入○唐○軍○以○緩○其○攻○庶○可○待○救○兵○之○至○帝○曰○
實○不○足○惜○顧○公○之○行○能○了○事○否○鉦○俛○首○思○之○良○久○徐○曰○但○恐○不○
易○耳○

唐○薛○昌○緒○拘○謹○迂○腐○與○妻○會○必○有○禮○容○先○命○女○奴○通○語○再○三○然○
後○乘○燭○造○室○高○談○虛○論○久○之○茶○畢○而○退○或○欲○就○宿○必○先○請○曰○某○
以○繼○嗣○事○重○輒○欲○卜○其○嘉○會○候○報○可○始○入○

俗○傳○一○人○性○迂○腐○將○有○事○於○細○君○必○曰○予○非○爲○好○色○而○然○也○
將○爲○祖○宗○綿○血○食○也○欲○再○訓○曰○將○爲○朝○廷○添○人○丁○也○欲○更○冉○

則曰將爲天地廣化育也其亦薛公之流亞歟附載以佐一笑

宋冲晦處士李退夫爲人迂矯居京師偶種鸞粟花俗傳須口說殘語則花開必茂退夫撒子密誦曰夫婦之道人倫之本不絕忽有客至命子畢之子執餘種云家大人已曾上聞予小子不敢再讀

齊主問南陽王綽曰在州以何事爲樂對曰多聚蝎於皿器置俎其中觀之最樂帝卽命試之喜噪不已因撫綽臂讓之曰既有如此樂事何不馳驛奏聞

東昏侯寵畏潘妃動遭呵杖畧不敢忤但勅虎賁不得進大荆

子○私○心○自○喜○以○爲○得○計○

三

漢靈帝爲侯時常苦貧及卽位每嘆桓帝不善作家居無私蓄
乃開西邸賣官又私令左右賣公卿又作列肆於宮中使諸采
女嬪妃更相盜竊爭鬪自若商賈服從之宴飲爲樂又於西園
弄狗着進賢冠帶又駕四騾躬自操轡京師相爲倣效騾價遂
與馬齊一日問侍中楊奇曰我何如桓帝奇曰亦猶虞舜比德
唐堯帝不悅曰卿強項真楊震子孫死後必復致大鳥矣
齊後主言語澀陋不喜見朝士非寵私狎昵未嘗交談好自彈
琵琶爲無愁之曲民間謂之無愁天子

陳主闢隋兵至從容謂侍臣曰王氣在此彼何爲者耶孔範曰

長江天塹古以爲限。隔南北。今日敵軍豈能飛渡。仍奏妓絕。賦詩不輟。遂亡。

唐主善音律。故寵伶人。或自傅粉墨。與優人共戲。以悅劉夫人。優名李天下。諸伶人出入宮掖。侮弄縉紳。莫敢出氣。

宋仁宗時尚美人楊美人得幸。數與郭后爭。一日尚氏於帝前有侵后語。后怒批其頰。上自救之。誤批上頸。上大怒以示呂夷簡。夷簡有憾於后。遂主廢后之議。

宋有愚人得燕石。誤爲玉。什襲藏之。以爲大寶。周客聞而往觀之。主人端冕發寶。客見而掩口胡盧曰。燕石也。主人大怒曰。盲瞽之言。藏之益固。守之益謹。不復更以示人。

後漢劉禪降晉封爲歸命侯。一日預宴司馬文王問曰：「還思蜀否？」禪曰：「此間樂不思蜀也。」卻正聞之私語曰：「何如此言？」若再問須泣告曰：「先人墳墓遠在蜀中，無日不思。」庶得邀恩放歸。會王復問禪如正言，因詐爲哭狀，苦無淚，乃閉其眼。王笑曰：「何乃似卻正教語耶？」禪驚曰：「誠如尊命。」王自此不疑，竟得令終。
明漢王高煦反，宣宗親討之，勢窘出降。羣臣請正典刑，上不允。降爲庶人，至京師鎖禁大內逍遙城。一日上欲往視，左右力止不聽。及至，熟視良久，方有寬恤之意。庶人乃出不備，伸一足勾上仆地。上大怒，命壯士昇銅缸重三百觔覆之。庶人有力頂負而起，乃積炭繞缸如山，燃之逾時，火熾銅鎔化爲灰燼。

明天啓中崑山有一富翁酷好丹術遂爲丹客所欺遂去千金
念甚乃懸百金爲賞以物色之踰數日或報客在東門外酒肆
中聚飲密借覘之果然索賞而去主怒急入肆正欲發話客笑
容可掬欣然起立遽携主人手止之日方與衆有約勿揚吾短
君物具在且飲三杯當卽奉還主人喜而信之坐與劇飲連喚
酒肴藥沓而至客起小便伺間逸走候久不來問同席者皆云
偶此羣集初不相識詢之店家云彼來說是你請他訂此相候
鈔自公出其入無奈只得算還酒價始悟報信者亦其黨因貪
重犒并來設騙耳衆詢其由皆爲一笑

始騙其銀母不奇妙在并騙去賞物更妙在復騙他自出酒

錢○弄○得○他○脚○脚○踏○空○巧○極○趣○極○總○是○貪○之○一○字○使○之○孽○由○自○
作○怪○不○得○別○人○天○下○利○之○所○在○往○往○如○斯○不○獨○丹○術○一○輩○誤○
人○也○

隋煬帝性殘暴○然復敏捷善悟○自知所爲非保國之道○嘗引鏡
自照○嘆云○可○惜○好○頭○顱○不○知○爲○誰○人○所○去○

宋主昱嘗直入領軍府○見蕭道成晝臥裸袒○令起立○謂的於腹○
引滿將射之○道成曰○老臣無罪○乃更髀箭射中其臍○投弓大笑○
天啓四年甲子○獲山東妖首王好賢○好賢父森○以救一妖狐狐○
令斷尾藏之○用以招人人○聞異香○皆願歸附○稱爲聞香教主○遠○
近響應○森死遺貲百萬○好賢以此購募勇敢○欲爲變亂○密約景○

州于弘志濟州徐鴻儒三方並起徐以他事先敗。詞連好賢。三
拒捕逃去。後爲揚州捕役所獲。鴻儒旣敗。嘆曰。我與王氏父子
經營二十餘年。不意一旦至此。吾法門弟子已逾二百萬。若更
遲數日。吾輩橫行天下矣。

己卯六月。江西寧王宸濠反。用鄉宦李士實舉人劉養正爲軍
師。左右丞相許傳武宗遊恣不道。奉太后密旨。令我起兵監國。
夜集劇賊吳十三。凌十一。閔念四等。飭兵待旦。給三司巡按入
謝就宴擒捉。相顧惶遽。獨孫燧許達正色辨論。極言不可。濠怒。
喝武士縛出。惠民門斬之。時當烈日。晴朗。忽然陰晦。慘淡城中。
男女無不流涕。各官悉枷鎖下獄。奪船順流而下。攻南康九江。

諸郡七月提督南贛軍務巡撫都御史王守仁起兵討逆。星馳入南昌。濠解安慶圍奔還。救至鄱陽湖。督師與戰大敗。就擒。初濠將反。婁妃獨號泣力諫。不聽。既就執。檻車北上。與監押官追談往事。卽痛哭曰。昔紂用婦言而亡天下。我不。用婦言而亡國家。今日至此。悔恨何及。

己卯八月王守仁雖擒宸濠捷音急猶未至上。欲假親征爲名。以遂南遊之志。遂下詔南征。出師駐涿州。良鄉守仁捷奏甫到。上令退回。待駕至南京。另奏梁儲等屢請回鑾。不聽。遂下江南。守仁奏言。請獻俘闕下。而江彬朱泰等謂當縱之鄱陽。俟上親與交戰。而後奏凱論功。連遣人迎至廣信。守仁不聽。乘夜遁。

山張永已候於杭。因與共謀。始信永無他志。卽以濠付之上。已至南京。復命張忠等統領邊軍萬餘往江西搜捕餘黨。窮求微隱。羅織平民。濫肆誅戮。沒入貨財。不勝繁擾。忠泰復矯爲詔。召守仁。因不卽赴。卽譏於上前。言其必反。永聞之。乃密遣人報知。令其疾來。以釋上疑。聞召卽行。忠等復拒之於蕪湖。使不得進。守仁無奈。因入九華山僧房晏坐。永勸上遣使覘之。乃曰。守仁學道人也。召果卽至。安得反乎。命仍還江西。照舊供職。

明末闖賊破京。懷宗殉難。福王聞變。卽位應天。乙酉春。祭先帝於雨花臺。誓衆出師。人心忿忿。號泣震天。及馬士英阮大鍼至。嬉笑自如。歡飲竟日。惟談房術。無一語及國事。觀者咸解體。

宋丁曾公爲饒州通判。同年白楨爲判官。楨一日以片紙假稱錢五緡。公笑曰。榜下新婿。京國富室。豈無半萬遺物耶。特懼我故梳之耳。乃簡於書尾云。欺天行徑。我何有立地。後關子大垂五百青蚨。兩家缺赤洪。唾打白洪崖。

嘉靖間。武定侯郭勛恃寵肆惡。戚賢論其假威逞虐。勛疏辨。上猶優詔答之。已而六科都給事李鳳來等交章劾奏。勛疏求去。上允之。命給以勅。賜還第。勛故不領。復疏自陳。中有臣奸何事。臣黨何人。何必更勞賜勅等語。上大怒曰。勛語如此。不遜強悖。無禮。着逮捕勘究。於是工科高時等盡發勛奸邪事。坐殺人律。死於獄。

嘉靖壬寅上幸曹妃宮宮婢楊英等殿上與妃睡熟乃以組經
帝頸謀弑有張金蓮者覺之走告太后馳救得免詔并曹妃殺
之後上以妃亦在寐間當不知情常憫念其冤

正德好養鴈眉日令光祿進子鴈頭數十以作食少卿楊瑋上
言天下民窮財盡何處討得許多子鴈且傷殘物命有乖好生
之義上怒命中涓詰責并着自來回話瑋穿白布裙跪午門外
傳旨降三級調外遂謫知瀘州

王戒性儉嗇家有好李賣之恐人得其種恒鑽其核既富且貴
每喫蔬軟掌與夫人晝夜執牙籌會計

遺愁集卷之八

○○○一集惜愴

無酒而沉不醉而昏憤憤爾形夢夢爾神不識不知無性無
靈涸涸沌沌虛度光陰集惜愴

莆田陳音字師召有文行而性恍惚一日朝回語從者曰今日
訪某從者不聞竟引轡歸舍師召謂至其家升堂周覽曰何此
居境界全似吾家又觀壁間圖曰此我家物緣何挂於此既見
家僮出叱曰汝何故亦來此僮笑曰故是我家師召悟曰怪道
甚是相像○一日浙江楊文卿是刑部郎招師召飲竟至戶部
郎山西楊家去時尚蚤楊猶寢聞其來亟起迎之坐久不見酒

肴乃日觴酒葷肉足矣無勞盛饌楊愕然莫知所以強應之只得入告家人使爲設具俄而浙江楊家使人至白以主人候久始悟日乃汝主耶我悞矣遂一笑別去。又嘗隔宿具饌延客明蚤竟忘之反造其家雙陸將午不申速來談甚久客無奈反治具留款頃之家人來促上席師召未審視疑是別家來邀怒謂之曰汝請去我主人我待何如家人道所以乃廢然遂拉之同去。

劉髦二子俱進士長懋入京公送之登舟上跳以手援之郡守來送見而微哂公曰府公笑我乎若不相扶倘跌入水更可笑也後次媳入京時公臥病呼至牀前謂曰老年頭風可買一帕

寄回明日登程諸親友畢集忽呼次媳曰勿忘昨夜枕上之語
衆皆愕然媳爲面赤追述其故無不撫掌

張士誠中年全委政於弟士信士信惟務酒色又希聽王敬夫
蔡彥夫葉德新三人用事時作十七字謠訛之云丞相做事業
專用王蔡葉一日西風起乾癆

匈奴使韓卯入朝自言願瑒帝以後宮良家子王嬙字昭君賜
之復上書願保塞上復以爲使郎中應侯以十策論其不可乃
使將軍許嘉論止之單于謝歸載昭君出塞去稱之爲明妃號
胡閼氏音胡支郎皇后也

趙飛燕爲皇后比婕妤時寵少衰女弟合德絕幸勅爲昭儀居

昭陽宮后居別館無聊多通侍郎宮奴成帝了不之知劉向爲
叙烈女傳以進欲與一悟終不知省

晉王濬治水軍作舟艦蔽江而下吳彥請增建平之兵以塞其
衝吳王不聽乃爲鐵鎖橫斷江路自魯曰鎖截江而北軍豈能
飛渡

梁主好談玄聞魏兵至尚講老子於龍光殿百官戎服以聽及
攻城急反者開門納魏師乃焚古今圖書四十萬卷嘆曰讀書
萬卷乃有今日文武之道盡矣遂降

崑山周汝礪字用齋性絕曉爲諸生時嘗處館值黃暈日見主
家曝衣問何故曰凡物此候不經日色必拾濕氣固因晒書變

及束修衣服館童知其慙乃竊去數件周訝其少童給云想爲
烈日所消耳周竟不究但連云不曬得也罷可惜可惜僞舟行
見來船過訝其快驚問之僕以兩來船對乃笑曰造舟者何愚
也倘造兩來船豈不妙哉後成進士吏部過堂令通大鄉貫
誤爲大鄉官遽對云敝鄉有申瑤老狀元吏部知其慙麾使去
出謂同人曰尚有王荆公未言適見堂上色頗不豫想爲此也
初任縣令旣升堂端坐不語吏請發書怒曰拘賊奴纔想得一
佳破爲汝攪亂矣及居家適妻東王元美適先司馬之難往平
之誤詣王荆石學士宅時學士以省親在告錦衣出迓周不審
可憐者再學士云老父幸無恙周曰公尚未知尊

公耗耶已爲朝廷置法矣。學士笑云：得毋弔鳳洲乎？周始悟。急解素服，言別。學士命繼原刺，周曰：不須見還。卽煩公致意可也。其一生憤憤多類此。

李希烈圍襄陽，姚令言將兵五千入援京師。軍士冒雨寒甚，與得厚賜及犒師，惟糲食菜餽。衆怒餓而覆之曰：吾輩將死於敵，而食且不飽，安能以微命拒白刃耶？聞璿、林大益、二庫、金帛豐滿，不如相與取之。遂斬關而入，上與太子諸王出北苑門，詣咸陽府藏一空。

唐德宗幸奉天，朱泚圍之。經月，城中食盡。時供御僅有糲米二石，每伺賊休息，夜遣人出城採青蘗根以進。嘗遣一健卒出覘。

賊其人懇以苦寒乞賜襦袴上求之不獲竟憫慰而遣之○城將
陷李懷光李晟倍道入援上大喜城中歡聲如雷○此賊遁歸長
安盧杞恐懷光入朝禍及於已乃說上曰若令懷光乘勝攻長
安可一舉滅賊因詔引軍屯便橋與李晟剋期進取懷光等以
千里赴難咫尺不得見天子意甚怏怏而去○至中途頓兵不進
表杞罪惡衆論譴譴上不得已貶爲新州司馬○

唐主酷信浮屠募人爲僧及萬計每退朝輿后服僧衣誦佛經
拜跪手足成贅宋太祖聞其惑乃選少年有口辨者爲僧游往
見之與論因果性命之說唐主敬重聽信謂之一佛出世不復
以治國守邊爲事○

宋右正言陳禾上疏勅童貫黃經怙寵弄權宜賜遠竄帝拂衣起禾引帝衣請畢其說衣裾落上曰正言碎朕衣矣禾言陛下不惜碎衣臣當惜軀首以報陛下此言今日受富貴之利陛下他日受危亡之禍請愈懇切上變色曰卿能如此朕復何憂內侍請更衣帝卻之曰勿易留此以旌直臣翌日盧航奏禾狂言竟貶禾監信州酒稅

既知其直衣且不易而卒貶之真惜憤極矣

宋徽宗賜方士林靈素號通真達靈先生靈素善妖幻大言帝喜其加寵資自是大興道教紛創殿宇每設大齋輒費緡錢數萬謂之千道會道錄院上章冊帝爲教主道君皇帝

秦檜還至越州見帝帝謂近臣曰檜忠誠過人朕得之喜而不寐既聞二聖母后消息又得一佳士也先是朝廷且守旦和而專意息兵則自檜始

元忽必烈圍鄂州賈似道懼密遣人請元師請稱臣納幣許之援若而去似道乃匿其議上表言鄂州圍解江面肅清帝以似道有再造功下詔褒美賞賚甚厚

宋度宗卽位加賈似道太師封魏國公每朝見帝必答拜稱師臣而不名朝臣皆稱之爲周公

安祿山生曰明皇賜賞甚厚後三日召入禁中貴妃以三朝洗祿山兒用襁褓裹之令宮女舁之而行喧笑之聲達外上問何

楊乾榮近世六人無怪其然

故左右以洗祿山兒對上往觀之大喜因賜妃洗兒金銀錢自是出入宮掖通宵不出醜聲頗著上並不疑

武三思與韋后通中宗不知一日韋與三思雙陸而中宗居傍自爲點籌

會稽天寧觀有何道士居東廊栽花釀酒好延賓客一日有道人貌甚偉善談論款門求見何欣然款留未幾有妖人張懷素謀亂卽前道也何亦坐係獄良久得釋自是畏客如虎杜門謝絕忽又有一道士亦美丰姿多伎術西廊道士張若水介之來謁何大怒罵闔扉拒之此道乃永嘉林靈照旋得上幸貴動一時賜名靈素平日一飯之恩無不厚報若水乘驛赴關官至慈

珠校籍父母俱得榮封而何老以嘗罵故日夕憂懼惟恐禍及會若水以書慰之道林不爲介意始得稍安

漢劉崇聞隱帝遇害欲起兵南向聞立贇乃止日吾兒爲帝亦復何求李驤日觀郭公之心終欲自取公宜疾引兵踰太行據孟津俟徐州相公卽位然後還鎮則彼不敢動否則且爲所賣崇怒日腐儒欲離間我父子命斬之及成弑贇乃哭日悔不聽忠臣之言以至於此遂更名曼卽位於晉陽

謝安石年少時請阮光祿裕道白馬論裕爲論以示謝謝不卽解重相咨詢阮嘆日非但能言人不可得正索解人亦不得杭州有富翁性貪而淫客有炫丹術者知之乃盛飾輿從日携

即以前所色二字物之

六

美妾泛舟飲於西湖所羅器皿盡皆黃白望之粲然動心媚目
翁見而艷之因前揖問曰公何術而富厚若此客曰丹成特長
物耳翁遂延客至家并其妾偕來出二千金爲母擇日使煉之
客入鉛藥鍊十餘日客約一長髯突至狀甚倉皇給曰家中內
艱求速還客伴大慟謂翁曰事出無奈亟去便來煩主君同余
妾守爐但須慎之臨行再三致囑匆匆而去去後婦顧爲艷裝
與翁調笑翁不知其計遂與私媾綢繆備至曲盡恩愛約及數
宵客忽至啓爐一視頓足大驚曰事敗矣似有穢觸之者因詈
主人無行欲掠治其妾翁不能諱復出厚銀謝罪客携妾作快
快狀去翁猶以得遣爲幸及視所有銀器皆係偽物妾亦典妓

爲騙丹母已預竊去久矣

貪之一字已是大病更加以淫愈屬難治客探知其病所
對症下藥始動以財繼迷以色那怕你不入他圈套

晉簡文嘗出遊見田稻不識問是何草答云是稻帝深以爲愧
還宮三日不出云寧有賴其末而不識其本者

明天啓元年辛酉陝西會寧縣關寡婦家黑牛產一犢光焰四
起渾身綠膚遍體斑文婦以爲怪擊死棄之野凡四閱月絕不
具府守始知爲麒麟具憲以聞

明熹宗朝逆璫魏忠賢弄權都御史楊漣疏叅二十四罪有旨
切責魏大中周宗建李應昇黃遵素許譽卿等又交章劾奏悉

以罪去工部郎中萬燦就陵工叅論廷杖一百削職爲民閭臣
葉向高救疏纔入燦已爲內侍羣毆立斃復逮巡城林汝翥林
○未○經○受○杖○而○先○殞○命○於○中○官○之○毒○毆○因○亡○去○自○謂○遵○化○巡○撫
獄都御史孫瑋合十三道潘雲翼等連名疏救不允竟執前旨
杖之幾死先是逸時內侍疑葉向高匿之百餘廠衛直入私寓
辱及婦女嫚罵坐索向高怒甚備悉陳奏竟置不理

崇禎十二年九月特命大學士楊嗣昌以兵部尚書督師討賊
賜上方劍先斬後奏并督師輔臣銀印一顆給金四萬賞功牌
一千五百蟒紵緋絹各五百陞辭宴於平臺後殿手觴三爵賜
詩命會兵十萬給木折色銀二萬十三年二月復給金萬兩賜

斗牛服又賜海驢馬一乘驢馬一金鞍二副昌駐襄陽調兵會
勦以陝西興安一路失期斬其監軍殷太白次荆門立大勦營
以新募湖南殺手二千人隸之更以戲下騎兵爲上將營新撫
降丁悉隸焉以副將猛如虎將之山師之隆恩遇之厚莫盛於
此然亦竟無成功

成化中江西人李孜省爲吏坐賊事發巡按楊守隨逮問克軍
逃至京資緣入禁中以符水得幸授太常寺丞復改上林苑監
尋擢禮部侍郎掌通政司事受密命訪察百官賢否令書小帖
以所賜圖書封進

嘉靖十三年田州巡檢盧蘇殺其主岑邦相事聞下督撫議蘇

厚賂營寬因議曰兩江久苦兵革邦相逐母凌下蘇爲衆殺怨
除暴其弗問官之知故諸上官拊膺嘆曰殺人不罪弑主無刑
吾輩手足腎腸皆懸俟妾矣於是悉解體

嘉靖癸卯陶仲文以箕仙術得幸賜名秉一真人旋加少傅少
保復加禮部尚書兼少師尋加伯爵辭乃追贈三代給與誥命
復陞其孫敏爲國子生